

SECOND SITTING ON TUESDAY JANUARY 23, 1990 AT 10:30A.M.

PRESENT

PU VANLALNGENA, DEPUTY SPEAKER at the Chair 10 Ministers and 24 Members were Present.

OBITUARY

1. PU LAL THANHAWLA, Leader of the House to make obituary reference on the following persons -

(1) Pu Thangridema - Ex-Speaker
(2) Pu Sangliana - Ex-Member of Parliament.

PRESENTATION OF REPORT

2. PU ANDREW LALHERLIANA, Chairman, Committee on Estimates to present to the House the Fourth Report of the Committee on Estimates on Public Works Department.

DISCUSSION ON MOTION OF THANKS

3. Discussion on Motion of Thanks on Governor's Address.

DEPUTY SPEAKER : Lei a sulrul leh tuiokin a ei chhiatnaah, rukruten an reh pawh a an ruknaah hian in tan ro te khawlkhawm suh u, vanah, sulrul leh tuiokin a ei chhiat lohnaah, rukru ten an reh pawh a an ruk hek lohnaah chuan in tan ro te khawlkhawm zawk rawh u; i. ro awmna apiangeh i rilru pawh a awm ang.

(Matthaia 6:19-21)

Kan Business angin kan kal nghal mai ang a. Tunah hian Mizoram a kan mi pawimawh M.P. Pu Sangliana te, tin, Ex-Speaker Pu Thangridema te tun kan Session hnuhnung ber leh tun kan Session inkarah hian an boral a, hengho sunna kan neih a ngai dawn a, chuvang chuan kan Chief Minister a hmasa berin i lo sawm ang u

PU LAL THANHAWLA
CHIEF MINISTER

: Pu Deputy Speaker, kan ram
hruaitute zing ami lar tak
tak sun tur kan nei a, pakhat
zawk chu he House-ah pawh

Speaker lo ni tawh Pu Thangridema a ni. Pu Thangridema
hi Pu Lalhema fapa a ni a, ni 8.4.1921 khan Mission
Veng Aizawl-ah a lo piang a, 1940 khan Assam rifle-ah
a awm a. Tin, Assam Regiment-ah a in let leh a, 1942
khan Havildar-ah kaiin chumi kum vek chuan Education
Jamadar a lo ni a, Assam Regiment training centre-ah a
thawk a ni. Tin, 45-46 velah khan Royal Air Force a zawn
a, tin, 1947-ah India Independence kum khan Sipai lam-
pang kalsanin politics a zawn leh a. Tin, chutih lai vel
atang chuan Zoram Independent turin rilru nasa tak a
hmangin theihpatawp a lo chhuah thin a ni.

Tin, chumi hnuah chuan UMFO United Mizo Freedom
Organisation pawl political party kha a zawn a, chumi
hnuah UMFO kha Eastern Indian Tribal Union EITU zawmin
chutah chuan a tel ve zel a, 1963 khan Congress Party a
zawn a, hun engemaw chen hnuah sumdawnna lamah a in hmang
ta zawk a, sumdawnna lamah pawh hian a hlawhtling hle a ni.

Tin, 1952 leh 55 ah khan Dawrpui Village Council
Member-ah thlan a ni a, tin, 1956-ah phei chuan Vice-
President a ni a. 1974 chu hna pawimawh tak chu a chelh
a ni. Tin, Mizoram Chamber of Commerce ah President a ni
tawh thin a, 1970 khan Socialist Party dinin hun engemaw
chen a kaihruai a, tin, chumi hnuah chuan 1972-ah Congress
a zawn a, 1973 a Mizoram Pradesh Congress Committee in-
thlan hmasa ber an nei a, President a min thlantlin pawh
khan a ni hi Treasurer a thlan a ni ve a ni. Tin, hun
engemawti hnuah khan People's Conference ah a zawn ta a,
1978 khan Aizawl East Constituency atangin P.C. Party
ticket in MLA thlantlin a ni a. Tin, 26.6.1978 khan he
House zahawm takah hian Speaker a ni a, chuh lovin chuhtu
awm loya thlan a ni a, chu hna chu hna zahawm tak chu
May 24, 1979 thleng khan a chelh a ni. Pu Thangridema hi
mi rorum tak nimahsela thin nel tak a ni a.

Tin, Sports lampang a ngaina em em a, amah ngei
pawh inkhel mi niin a khelh peihlon hnuah sports lampang
administration-ah hruaitu a ni thin a. Tin, Mizo te zinga
thlala thiam hmasa zing a mi a ni. Pi Hnuni nen 1949 khan
an innei a, fanu paruk leh fapa pali an nei a ni.
December 14, 1989 zing dar 8:00 ah khan Pu Thangridema
hian heart attack kan tih ang hi a tawk a, chuan Aizawl
Hospital-ah lak a ni nangin a nunna chu chhan a ni ta
lova, chumi ni chaw-hma lamah chuan min lo boral san ta
a ni. Politics a tui mi, mizo pa tak a ni a, pa tlawnngai
tak a ni a, a tul hunah chuan pa rorum tak, huaisen tak,
tin, a tul hunah chuan nem tak, mizo pa tak a ni a. Keimah
nen ngei pawh ka sawi tak ang khan rei tak party-ah thawk
hovin ram leh hnam tan kan theih ang tawk tawk leh kan
thiam ang tawk tawkin kan lo bei thin a. Tin, kan party
a in an tak loh hnuah pawh mimalah engmah ngaihthiamlohn
engmah nei lovin, nel takin kan awmho zel, kan thawkho
zel thin a. Party hran nain kan inkar engmah adang ngai
lova, party khat a kan awmlai angin kan innel chho zel a.

Tin, kei phei chuan kan naupan tet te lai te pawhin inkhelhna lamah min kaihruai thin a, inkhelhna hmanrue te pawh tha tak tak min pe thin tu a ni a. Tin, ka pa te nen pawh inthian an nih evangin ka pa tiin ka ko nghe nghe a ni.

Tin, Dawrpui vengah ka chenna vengah tangkai tak a ni a, chhiatni thatni pawhin chutiang mi khawtlang mi pawimawh sumdawnna lam leh thil dang dang Mizo ten hma kan sawnna lama mi pawimawh tek politics a tui mi, dinhmun pawimawh tak tak lo chelh tawh he House-ah ngei pawh hian Speaker ni tawhin min boral san hi Mizo te tan a channa rapthlak tak a ni a, a uihawm em em a, amah ang hi kan hmu leh lewk lawk tawh lovang tih a rinawm a. Chuvangin, Pu Thangridema hi he House hianaa phu ang tawkin vawiin niah sum thiamin sun thei tawh lo mah ilangin kan zahna entirna hnuhnung kan neih hi a lawmawm ka ti a. Chuvang chuan he House in a lungreal taka kan sunna angin Pu Thangridema hi kan theih ang tewkin chawimawina leh sunna vawiin niah kan ti thei lo anih pawhin ram tana kan sunna entirna turin vawiin niah hian he House zahawm takah hian ka rawn pu lut'a ni.

Pu Deputy Speaker, Pu Thangridema bakah hian mi lar tak leh mi pawimawh tak Pu Sangliana hi Mizoram atangin M.P. hmasa ber a ni a. Kum 1972 khan Mizo Union ticket a thlantlin a ni. Pu Sangliana hi Pu Thanglula (L) fapa a ni a, kum 1914 27.10 khan Thakthing vengah Aizawl-ah a piang a, Kum 1922 khan Aizawl-ah Lower Primary a pass a, Shillong Government atangin kum 1931 khan Matric a pass leh a, Scholarship a la nghe nghe a ni. Kum 1936 khan B.A. English Honours ah a pass a, Calcutta University Guranchand College atangin 13-na a tling phak nghe nghe a ni. Kum 1940 khan Shillong Government High School-ah zirtirtu hna a thawk a. Tin, Indopui II na intan khan Burma ramah refugee Project Officer-ah a tang a ni. Tin, Mizo education Board Tiddim ~~mix~~ in an sawmna angin Burma High School-ah rei tak zirtirtu hna a thawk a, 1949-ah Shillong-ah kir lehin Government High School-ah zirtirtu hna a thawk leh a. 1950 February khan Aizawl Government High School-ah Headmaster-ah dah a ni a, chuta tang chuan Assistant Inspector of Schools-ah 1960 khan kaisan tir a ni a. 1967 khan Inspector-ah a kai leh a, 1972 khan a pension ta a ni. Lok Sabha panga naah khan Pu Sangliana hi April ni 27, 1972 khan thlentlin a ni a. Mizoram atangin Lok Sabha member hmasa ber a ni.

Mizo Union ticket atanga thlantlin a ni. 1964-75 inkarah khan Mizo Academy of letters ah member pawimawh tak a ni a, 77 Vice Chairman lo niin Chairman-ah thlan-chhoh a ni a. Tin, ama kaihruaina hnuaih leh a beih hahna a zarah Mizo Academy of letters khan Assam Publication Board atanga tanpuina hmuin lehkhabu tam tak, pawimawh tak tak kan literature tan pawh a hmasawnna tui lehkhabu engemaw zat a siam a ni.

Tin, Aizawl District Sports Association President hun engemaw zat a chelh a, tin, U.T. kan lo ni a, Mizoram Sports Association kan lo nih khan President ah thlan a ni a, District Sports Association leh Mizoram Sports Association a nih chhung hi kum 68 lai a ni. Pu Sangliana hian Pi Nupui 1942 khan a nei a, fapa pathum leh fanu pali an nei a, Kristian hmasa leh Kohhran a in hmang mi Kum 1955-60 khan a piangthar nghe nghe a ni. October 22, 1989-ah Pu Sangliana hi Mizo in zunthlum an tih ang chi hian chawhnu dar hnihaha boral ta a ni. Mizo mipui ten kan sun nasa hle a, hetianga mi pawimawh leh hruaitu hmasa nihna pawimawh tak tak lo chelh a, ram leh hnam tan kawng tinrengah kawng hrang hrangah hma lo hruaitu kan chan hi a lehlamah a khawngaihthlak em em a, channa rapthlak tak a ni.

Tin, Pu Sangliana nen hian politics ah leh infiamna lamah rei tak kan in kawp tawh angin, infiamna India hmun hrang hrangah football te khel a Mizoram ai ka awh tumin min hruaitu a ho a kal thin a, a hnuai a thawk leh a hnungzui a nuam em em a. Pa zaidam tak ni mah selangan mahni in vawnna leh inthununna lampang ngaisang mi tak a ni a, chuvangin kei ni a zuitute pawh chutiang zawngah chuan khuahkhirhna tha takin min khuah-khizh a tum thin a, kan zui zo lo zawk a ni.

Tin, hun rei tak ~~xxxxxxxx~~ min kaihruaiin a hnung kan zui a, an hnen atangin zir tur tam tak kan neiin kan zir seng lo zawk a ni. Hetieng mi ropui mi hmasa ram tana mi tangkai tak politics-ah kher lo pawh Education lama sulsutu literature lamah pawh sul sutu chutiang mi kan chan ta hi a vanduaithlak a, he House tan pawh hian channa ropui tak a ni a. Chuvangin hetieng mi ropui kan chan hi vawiin niah hian kan puan tawh angin lo chawimawiin sun thei tawh lo mah ilangin vawiin ni hi kan thlahna leh kan sunna kan entir turin lungrial takin he House-ah hian ka rawn sawi a ni e. Ka lawm e.

PU VANLALNGENA
DEPUTY SPEAKER

: Midang kan koh hmain Pu J.Thang-huama Deputy Leader M.N.F. Legislature Party i lo sawm teh ang.

PU J.THANGHUAMA

: Pu Deputy Speaker, vawiin a kan ram hruaitu mi pawimawh tak tak pahnih kan House-in sunna leh kan zahna entirna kan nei dawn a, hnam dangte kan ngaihtuahin an kum a la naupang ~~xxx~~ a, kan ram hian kan chan ropui hle a ni. Hei mi pahnih an ni a, a hmasa in Pu Thangridema chung-chang hi han sawi ka duh a. Kan House Leader khanin a sawi kimchang viau a, amaherawhchu, tiem keima mimal hriatna han belh ve ka duh a. Pu Thangridema hi keima mimal lo hriat dan leh kan thawhpui tam tak te ~~hmuh~~ dan pawh a ni ve in ka hria a. Amah hi mi rethei te thian,

Social Worker dik tak a ni. Tin, ngaihdan (principle) nei mi tak niin ka hria a, a duh dan loh zawng a thil kal chu thlang taka do ngam mi a ni. A duh dan pawh huai taka kengkawh ngam mi a ni. Amah hi mi dik tak, sum leh pai bawih a awm lo a ni a. Kan hmu tlang theuh a, a in saw Aizew khawpui lai kawng kam a ding a ni a, a pa demlai atenga a hlui ang angin a la ding a, saw sawnin Pu Thangridema hi mi dik, sum leh pai lamah duharina nei lo, ram leh hnam hmangaihtu dik tak anihna a tilang chiang hle in ka hria. Amah hi mi ri deuh buan buan, thinchhe awm takin kan ngai thei a, engemaw chen chu a dikna lai pawh a awm thei. Amaherawhchu amah chiang zawk a zu kawmtu leh hre chiangtu chuan a chhungirlur a hmuh rual rualin hmangaihna nei mi rethei te hmengaihtu dik tak a ni tih an hre zel ang. Hun engemaw chen chu kan lo inzui a, a changin pawlkhatah te kan awm a, a changin kan tla hrang darh darh a, tiang chuanin 1972 khanin Khawhai bialah kan inkhing dun a, Congress ticket in ka ding a, a ni Socialist ticketin a ding ve a, chta kan campaign naah pawh chuan amah khin pawh a nuam khawp mai. Tin, pa ingaitlawm tak a ni a, tawngkam bawlhhlawh leh engemaw mimal han inbeihna ang chi, tawngkam bawlhhlawh pui-pui te khawiah mah ka hre lo. Tin, khami kum a a tlaik pawh khan mipui ngaihdan lawm takin a pawm mai a ni.

Inthlan zawh hnu reilote-ah Congress-ah a rawn in chhunglut ve a, Congress-ah kan thawhko tlang a, a hnu reiloteah Mizo Union Party in lo luh an ti ve a, Congress-ah in merger tur a ni a, kan party (Congress) High Command-ah reitak sawihona kan nei a, Mizo Union nen a inzawm duhlo tu pawl kha a ni ve a, kei ka lo ni bawk a, tichuanin a changin delegation in Delhi tlangah paruk te kan kal a, paruk zingah pathum in-merger an duh a, pathumin kan duh lova. Pathum leh pathum a kan inthen phak phak chang a awm. A hnuah kan han tla hrang leh a, human right atangin a P.C a, P.C.-ah khan kan ngaihthlak tawh angin he Mizoram a rorelna khawl sang berah Speaker hna a chelh a, amaherawhchu, vanduaithlak takin P.C. a keh a, A & B ah an inthen a, 'B' lamah a kal a. P.C. 'B' atangin M.C. (Mizo Convention)-ah pawl hrang hrang panga kan in chhungkhawm a. A taima em em a, campaign nikhua pawhin a vakchhuak taima a. Khawimaw ~~xx~~ laia zakhua a riahbuk nuam lo deuh a kan thlen chang pawhin a hrehawm ber hi a thlang zel. Hetiang mi rethei te thian, sum bawih a awm lo mi, mi rinawm kan chan hi kan ramin a chan ropui a, vawiina amah hriat rengna hi House-in kan tih ngei turah ka ngai a.

Tin, Pu Sangliana chungchang thu hi sawi ka chak khawp mai a. Kan House Leader khan a pian leh murna te, kimchang tak khan a sawi tawh a, sawinawn leh pawh a ngaiin ka ring lova. Amah ka hriat tanna hi Thakthing veng a Pi Nipui a neih kha ka hriat tanna a ni a. An inneih khan Mo kan lawmin kan la te khawp mai a, bawngek ten kan theh a. Assam atanga Mizoram a indan hmain mizo zingah dinhmun chelh sang hmasa ber niin ka hria. Ama mimal nunah zirtur kan nei tam hle in ka hria. Septawng takin Gentlemen kan tih hi a ni berin ka hria. Gentlemen kan tihah pawh hianin khawvel thil mai pawh ni lovin

thlarau lam a huap tel tlat. Ka hmuh dan chuan ama mimal nunah hian piengthar leh chuang tur a awm lo ka ti. A hring hran a lak tlakah ka ngai mai a. Mi itsikna leh sei hlei pawhthlakna x rilru a pu lo a, pa nunnem, pa tha a ni ringawt mai. 1972 khanin M.P.-ah Mizo Union hmingin a ding a, ka la hrc reng a, Theatre hall (tuna Vanapa hall)-ah vote an chhiar laiin kan thu dun a, keini **MLA** vote an chhiar a, a ni M.P. vote kha an chhiar bawk a. Kan han compaign lai vel pawh khan compaign dan pawh a thiam lo, kan ram leh khawtlang thilah te, mimal thilah te, harsatna nci rawn reng reng a hnen atanga vui leh hi beidawng tumah an awm lo, lawm takin an lo haw vek. Pu Sanga hian, "Ka beisei ang reng rengin min lo dawng-sawng tha lo, mi lo be duh lova, mi lo tum san", ti hi an awm lo reng reng. Amaherewhchu hun lokal zel hianin kan hruaitu ni lai mek leh hmasa te, kan hruaitu hmasa eng ang mi nge an nih a rawn tarlang chho zel a.

M.P. dang dang kan han nei ve leh ta a, a hnung a mite amah aiin, "an tha love", "an tha e" ka tihna ni lovin, a hnunga M.P te ni chho ve zel a te chu a mal te tein, han let han let kual ta ila, amah Pu Sanga Parliament-ah kan beisei leh kan duh tawkin a ang love, kan tih ai khan an lem chuanna kan hmu bik lo a nih hi. Pu Sanga engemawchen a a lo ngawichawi deuh kan tihna kha a hnung a mite hnathawh danin a rawn hliaikhuh ta vek a ni. Chuvangin, Pu Sanga hi khatih lai phei kha chuan U.T. mai kan la ni a, tun angin kan ramin hmasawnna thilah sawi tur a ngah lo. Chuvangin, khatih hun laia Parliament a a lo au vak vak lo pawh kha engemaw chenah hriatthiam a tul a lo ni.

Infiamna lamah te, education lamah te in hmang mi tak a ni a, amah avangin lehkhabu ziah lampangah te, Mizo Academy of letters ah te hmasawnna kan neih chhoh phah zel a. Hetianga kan ram hruaitu, kan hranghlui ten pakhat, pakhat a min tin min tin san mai hi tunah phei chuan hranghlui kan nei tlem tawh khawp mai le. A vau chher tur mi an tam tawh lo khawp mai. Mi ramah te chuan kum 80, 90 te thlengin an in ~~the~~ dampui a, kan ramah hi chuan kan hruaitute kan han sun ve te reng reng hi kum 60 vel bawr te hi an ni deuh ber a. A vanduaithlak hlein ka hria. Vawiin niah pawh kan mi pawimawh, kan hranghlui te hetianga Mizoram rorel khawl a sun theih a dinhmun sang an lo cheh te hi ka lawmpui em em a, ka lawmpui rual rualin hetiang mi pawimawh kan ram hnar kaitu hmasa te kan chan ta hi kan ram leh mipui tan hloch nasa tak a ni.

Mahatma Gandhi thih khan George Bernard show chuan sunna thu a sawinaah (ziah naah) 'How dangerous is to be too great' ti a, kha tlar khat lek khanin mittui nasa tak a titla nia !! Vawiin ni pawh hian hla phuah thiam te ni ve ila, anmahni chung chang thuah tlarchnih khat lek a mittui hrut zawng a an chung a lang thu han sawi ve ka chak khawp mai. Vawiinah kan Speaker zahawm takin kan House-ah anmahni hriat rengna leh sunna hun min siam sak hi a lawmawm kati a, ka sawi tak zawng te kha ka sawi theih tawk ni mai sela, ka lawm e.

DEPUTY SPEAKER : Pu Zosiama i lo sawm teh ang.

PU ZOSIAMA PACHUAU : Pu Deputy Speaker, ka lawm e.
Hei vawiin a kan House-in a
kan sun hotu duhawm tak tak
pahnih Pu Thangridema kan

Ex-Speaker leh Pu Sangliana Ex-MP te hi mimal takin ka
kawp ve ve tawh a. Pu Thangridema bulah hian kum 7- ka
awm a, tin, Pu Sangliana hnuiah hian kum 5 ka awm tawh
bawk a. Anmahniah hian ngaihsan awmna em em mai kan ramin
kan theihngihlh loh tur awmin ka hria a. Pu Thangridema
hi sum leh pai a a fihlim zia kan hotuten an sawi tawh
a, amah a ropuina em em chu mahni hmasialna a nei lo a
ni. Mahni hma a sial lo em em a, a nunah duhamna a nei
ve lova. Tin, dik a tih a sawi ngam a, diklo a tih a
sewi ngam bawk a. Sum avengin emaw, engamew evangin a
thusawi ki a thlak ve ngai lova. Chu chu ngun teka ngeih-
tuah chuan kan Kristian zirtirna dik tak hi a vawng tha
ber pawl a ni mai awm mang e aw, politician zingah hian
tih min ngaihtuah chhuh tir a. A in leh lo leh a khawsa
dan enin politiCs thil evangin a hausa ve lo a ni. Chu
chu mi tem takin kan ngaihsanna chhan tur niin ka hria
a. A sawichhe duh tute tan chuan ngaihsan loh phahna a
ni ve thei bawkin ka hria a. Chu chu a quality tha tak,
vawiin a House a member zahawm tak tak ten kan hriat a
tan ka'n sawi ve duh a.

Tin, Pu Sangliana hi Education a a thawh laiin
pension rak thiengin a thawk a. Vawiina helai House a
member te leh kan ram a sorkar hnathawkte pawhin
Pu Sangliana chanchin hriat tur ka duh pakhat chu a
Sorkar hnathawk chhungin Ball pen pakhat emew, a hu
emaw, a piruk hria an awmin ka ring lo, a thienghlim em
em a ni. Politics a khel leh a, a hlawhtling hic a,
M.P-ah a in candidate a a tling mai a. M.P te chu an
ropui zia kan hria a, mahsela a ropuina ang a in entir
lovin rawngbawlna leh mipui tan a in hmang a. M.P. anih
avanga a thil dawn M.P ni lo ta sela a dawn loh tur
engnge awm ang aw tih kan ngaihtuah thin a, a mah vawi
khat ka zawt a. 'Telephone hi ka neih phah alawn' a ti
a. Chutiang ti mi chu a ni a, a ngaihsan em tak meuh
meuh a ni. Kan rem leh hnam kan hruaina kawngah hian heng
mi tha tak tak ken hmaa lo awm tawh, vawiin ni a kan
zinga tel ve thei ta lo hnenah hian zir tur kan va ngah
em, an uihawm ngci mai. Vawiinah hian sunna kan neih hi
an phu tak meuh ani tih ka rawn sawi ve duh a ni e,
Ka lawm e.

DEPUTY SPEAKER : Sawi duh dang in la awm em?
Pu J.H.Rothuama.

PU J.H.ROTHUAMA

: Pu Deputy Speaker, hei vawiinah
kan Mizo mi hmasa politics a
kan hruaitu hlun te, mi uih-
awm tak tak kan House-ah

hetianga sunna thu kan lo sawi ta mai hi kawng leh lamah
chuan a lungchhiat thlak hle a. Hei vawiin nia kan mi
pahnih helaia kan han sun an chanchin kan sawi tak a te
hi Mizoram mipuiin a an chanchin kan hriat lar em em te
an ni a.

A hmasain Pu Thangridema chanchin hi han sawi
hmasak ka duh a. Pu Thangridema hi kumah kan inruallo
hle na chungin politics-ah hian a inzui tam pawl leh
Mizoram dung leh vangah hian a zin tam dun ber ber te
zing a mi kan niin ka ring a. Amah hi han en mai chuan
pa kawr chhah tak sut huphurhawm tak awm hmel a ni a.
Amaherawhchu, thinlung chhung lam chu nichina an sawi
tawh ang khan mi inngaitlawm tak mite thu-rawn pawm thiam
tak, thurawn hi a pawm em thin avangin rawn sual hlauh-
awm khawp a hewihhawm a ni a. Politics-ah Khawhai bialah
Opposition Leader-in a sawi tawh ang khan 1972 khan
Khawhai bialah kan han inkhing tlang hlawm a. Chungah
te pawh chuan boruak hlimawm takin kan han bei tawh a.
A hnuah P.C.-ah kan han thawkho chho leh a, tahchuan
Pu Thangridema hi mite chuan a leh lamah chuan an lo
cho viau thin a, kan President Pu Thenphunga te an man
hlan khan party dang chuan Pu Thangridema hové kan awm
kha min zuam viau hlawm a ni tih pawh kan hria a. Amah-
erawhchu, Pu Thangrideman a leng darh mai ang an han ti
fiamthu thin a. Mahse kha lai hunah khan mite thu zawm
chi, thurawn ngaina mi a nih avangin inti hotu lovin,
chapona thinlung nei lovin party a kaihruai a. Tichuan
a kaihruaina hnuiah MP inthlan naah pawh chak takin
party khan hnchna a la chho thei a ni.

Tin, Pu Thangridema hi mizo pa tha tak mai a ni
a, a tlawmngai em em mai a, zinho naah pawh han dah lal
deuh leh a kum te a lo upat tawh avangin a duhsakna han
peh dawn pawh khan duhsak hleihtheihloh khawp a tlawmngai
a ni a.

Tin, ram tana a inpek zawhna hi entawn tlak tak
mai amahah khan zirtur tam tak a awm a. India Independence
dawn vel lai atang tawh khan politics ah hian a tui
em em tawh a. Amaherawhchu, Mizoram mipui tam zawk nen
ngaihdan a in persan deuh an lo nei tawh a. Mizo Union-in
India a luh an sawi mawi a, khatianga India a luh tum a
an inbuatsaih lai khan ani chuan Mizoram hi mahni ke a a
din theih na turin politics sang tak a lo ngaihtuah tawh
a. India Independence ni a mipuiin kawng zawhna an neih
khan silai nen ramhnuai pan mai theih turin an lo inbuat-
saih tawh a ni tih mi a hrilh thin a ni. Chutiang a kan ram
leh hnam tana inbuatsaihna leh a lo thawh tawhnaah hian
sulsutu tak tak he kan ram tan theihtawp lo chhuah mi a
ni a. A hnu zel a politics kal chhoah pawh mi rilru nghet
tak a nih avangin ama rilru awn zawng kha sawhsawn mai
mai lovin, amaherawhchu, a thawhpuite leh politics tenau
zawkah kha chuan pawl a lo ral leh mai thin avangin pawlah
chuan a insawn ngun khawp alawm, rilru a thlak ngun e tih

mai theih a ni. Amaherawhchu a tum, a goel, Mizoram tan a a tum chu thil pakhat a ni a. Khrmi atan khan a thawk ngar ngar thin a ni. Hetiang ang mi ropui tak an kaih-hruaina Mizoram in a a la mamawh em em an thurawn kan la thla khieh em em lai, hun lo tak a kum upa lo tak a ramin kan mamawhna chhang zel ~~kg~~ tura kan la bcisci laia min lo boral san ta hi an uihawm em em a ni.

Tin, Pu Sangliana hi Mizoram chuan kan ariatlar, zirna kawngah hian kan hre lar em em a. Mizoram pum puiin thingtiangs High School kal pawhin zirnaah hian Pu Sangliana hi kan hre lar em em thin a ni. Ama nunah hian entawn tur ropui tak mai a awm a. Kan sawi tawh ang khan gentlemen dik tak a ni. A inchci danah te, ~~xxxkhaw~~ a khawsak phung reng rengah te, gentlemen dik tak a nihna kha a lantir thin a. Chu chuan he Zoram High School zirna in lian ber a Headmaster a nih chhung pawh khan mizo fate zirlai te thinlung a kaihruai nasa em em ani.

Zirna kawngah rualawhna min pek bakah Sorkar hnaah hna lian zawkah mizo fate rualawhna thinlung a pe a. Heng I.A.S. te leh Central Service hna lian a kal ta te, pawh hian ama nungchang leh khawsak dan atang khan rilru sang zawk an neih phah a ni. Chutiang ang a Mizoram tan a zirna kowng a hma lo latu a ni a. Tin, zirna chung chang thuah hian Middle School leh High School-ah a hnuaih kum 10- dawn lai ka lo thawk ve tawh a. Chung kawngah pawh chuan Mizoram zirna lo thang chho zelah pawh Pu Sangliana hian hma a hruai nasa em em a. Shillong atanga zirna inkaihruaina Director hnuaih kan awm thin lai khan, Mizoram chu a kilkhawr em avanjin heng recognition te, school thar lo ding tur te, scholarship chung changah te harsatna tam tak Mizoram-in kan tawk thin a ni. Amaherawhchu, a ni Assistant Inspector-ah an rawn dah atang te, Inspector an kai chhoh atang te khan Mizoram tana a hma takna kawngah a fakawm em em a. High School tam tak recognition pe in grand-in-aid te pek a lo ni a. Tin, chutiang bawkin Primary School leh Middle School tam zawk leh tanpuina tam zawk pawh chu a kut hnuaih mizo fate hian kan lo dawnz thei a ni. Chutiangin zirna lamah chuan kan ram tana politics- a a chhuanawm ai mahin zirna lamah hian Mizoram tan hnar kaitu pawimawh a ni. Chutiang ang mi vawiin nia kan lo chan ta hi, Mizoram pumpui tan tuna awm leh thangthar te tan pawh channa ropui tak a nih ka ring a ni. Ka lawm e.

DEPUTY SPEAKER : Pu H.Thansanga.

Dr H.THANSANGA : Pu Deputy Speaker, kan ngai-thla tam tawh a, point tam vak belh pawh tulin ka hre lova. Pu Thangridema chanchin kha kan ngaithla ngun viau va. Ka sawi theihlohte engemaw-zat ka hre tawh a. A nuna ka lo hmuh thin han sawi belh ka duh chu a ingaithlawma bakah miduhamlo a nihna kha

ka ngaisang thin hle a. Member zahawm tak Pu Zosiama khan kum 7 ~~em~~ a bulah ka awm a ti a. Kum 7 em a bul hnaiah awm lo mah ila, helai hi lang thein ka hria a. Miduham lo, amaherawhchu, ngheilo tawk a thawh erawh chu hrehlo any reng tak si a ni a, chu chu ka ngaisang hle thin a. Tin, ram in sing sakna chungchangah a thluak a hmang thin hi ka ngaisang hle a ni. Ram in sing sakna engemaw thil a lo awm reng rengin tha leh rilru a seng nasa hle thin. A contribution hi tam takin kan hre lo mai thei, chumi kawngah chuan a ~~em~~ uiawm hle a ni. A tello a han kal hi a khawhar thlak ~~hle~~ a ni. Tin, chu loah chuan ram in sing saknaah chuan a telna chhan a awm a, chu chu a mizo-na kha ka ngaisang leh a. A mizo tlat mai a ni. Mizo dik tak ngaihtuahin a ngaihtuah a, a thahnem ngaihna kha zik tluakin par chhuak vek lo mah selangin chu ngaihtuahna chu ka ngaihsan zawng tak mai a ni.

Tin, a pali naah chuan a chhungte a inchhung, a nupui fanau te enkawlna kawngah mi duhamlo a ni tih kha kan sawi tawh a. Hmangaihna, pa nih tling taka hmangaihna nona tu leh fa enkawl mi a lo ni tlat mai a, khalaiah khan mi tam tak tluk loh a lo ni tlat mai a ni. Chu lai chu kan sawi beh leh duh a.

Tin, Pu Sangliana kha kan hre tlangpui a, Mizoram tan mi ~~zc hnem~~ tana a contribution hi kan sawi vek seng lo ang a, vawiinah chuan. Chumi zinga ka lo ngaihtuah han sawi nawn leh awm a ka hriat chu Education lamah leh Literature lamah a tangkai em em a. Chu lai chu kan sawi tel duh a. Tin, amah hrim hrim a kha lekhka tham thei a ni a. First Division walla, an tih ang chi a ni a. Nasa taka zir thin a ni a. Vawikhat a Article ka chhiar a, 'My struggle with English' tih a ni a, a title ah chuan English a zir dan kha a ziak ~~ta~~ a, a lo struggle nasa hle mai a. Khatiang kha chuan lo bei ve ila chuan tun ang em chu ka ni lo deuh ang a, tih ngaihdan ~~min~~ pe a ni. Chuvangin, a thiam thei mah ti ila, a thiam ~~th~~ihna ringawta inngthat lovin a lo bei nasa ~~hle~~ a ni tih kha a hriat a, chuta tang chuan hranghlui ho hi kan lo tluk lo mang e, kan ti nak nak a ni. English a thiam em em a. Pu Sangliana, Mizo zingah English a thiam ber kan ti laih laih thin. A ziak thiam a, a ziak ai mahin an tawng sap mai hi chu Pu Sangliana lam dan kan ti nak nak tawh mai a. Chutiang khawp chuan a lam dan te pawh kha a lo chai ngun a lo ni a, a ziak dik chauh ni lovin, a lam dik a a aw phawi a dik a, a ziak hian a mawi em em a, pahi tur awm lovin a ziak chin chu a pawimawh cm em vek mai. Awmze nei takin a ziak ~~th~~am tlat mai a. A kut ziak handwriting kha a hraw viau lova, sin lutuk ~~to~~ chhiar nuam tawk a ni a, a nahl em em mai a ni. A hming. ~~signed~~ thleng mai khan mawi kan ti thin a nih kha.

Tin, amah a taksa lamah pawh mizo zingah chauh ni lo, mipa awmkhawm zingah hian hmeltha a ~~thing~~ ve reng reng a. Mi zinga han theh chhuah pawhin biak nawmnah chi hi a ni lo sa ve reng reng a, a hmel a tha a, tin, a hmel thatna mil khan a smart a, a gentlemen zaih mai a.

Chu chu entawn tur ropui tak min siamna a ni a.

Tin, chulo lehah chuan mi rilru tihnat hi a hlaub hle a, a hlaub nge, pianpui nge ni chu ka hre lo, a hlaub chu a hlaub lova, a pianpuisa a ni awm mang e, tiin ka ngaihtuah thin a. Hen inbiak a, a tih ioh zawng tak min an han sawi a, 'a lo nih tak chu maw le' a han tih chat hi chuan thenkhat chuanin an man miah lovang. A zawn ta emaw an ti a, a zawn chuang miah lo, a rilru a ngaihdan chu leh lamah a awm daih a ni. 'A lo nih tak chu maw le' han tih kha a react na tlangpui a ni a, a pawm hauh lo a ni. Khatiang khawp khan mi rilru tibuai zawng a han khak kha a duh lo tlat mai a, a ropui hle in ka hria a. Self-discepline kan sawi fova, a in vawng hneh em em mai a, entawn tlak tak niin ka hria.

Tin, literature lamah hian a tangkai em em a, a hrisel ta lova, hun an neih deuh khan, a hrisel loh avang khan a tum angin a ziak thei lo tih pawh ka hria a. Kan hun tawmg zingah khawkhawm a pawi ber mai tih hla kha mamawhna ka nei a, septawngin min leh sak teh ka ti a, a rawn let chu ka en thin a, hetiang hian let dawn ta ila piannawn leh a ngai awm mang e, piangnawn leh mah ila, kan let chhuak ve thei ang em tih pawh chu a la chiang chuang lo leh nghal a, a lo hneh hle a ni tih kha kan hre chhuak a. Lehkhabuah ka ziak chhuak ta nghe nghe a. Chutiang khawp a literature lamah chuan a saptawng emaw, mizo tawngah pawh tawngkam thiam, hman tur awm tak hria a ni. Tin, hmanlai tawng leh tunlai tawng, tawng ler kan tih sapin-slang an tih te, khatiang chi rong rong kha a mizo zingah pawh lo man vek, lo chhinchhiah vek mi a ni, a lo chhut ngun khawp mai. Chuvangin History hi a hre em em mai a ni. Chutieng kawngah chuan Mizo Academy of letters tan pawh hian channa nasa tak mai a ni a, kan chan lian hle a ni.

Chuvangin Education Ich literature lamah chuan ka sawi tam vak lo ang a, ka sawi ber tur zawk nimah sela kan ngaithla tawh a. Education lama kan hmahruaitu a hmasa ber zel kha a ni a, a remruatna planninga lo tih atanga kan kal chhohna hi a tem em em a ni. Tin, a pension hnuah politics-ah out in MP, Lok Sabha member hmasa ber a ni leh nghal a. MP anih lai khan kan inkawp zing a, a tha em em a, hnam dang zingah an awm a, an ding ve te hi a zahpuiawm lo em em thin a ni. Tin, mi pawhin min rin phah a, Education a planning leh engemaw han tih lai pawhin zu kal ve ila, phai lamah te pawh, nengni zewng Educationist mithiam tak hotu ah innei a, in ngaihtuah awm love min ti thin a. Chutiang khawp a mite pawhin min lo en dunah pawh min lo en chunna chhan Pu Sangliana kha a ni. Chuvangin, yawiinah kan sawi seng lo ang a, chung neuh neuh te atang chuan vawiina kan mi sun te hi Mizoram tan an tangkaiin an ngaihawmin an uihawm tak tak a ni. An awm ta maiah hian mizo hnamin hloohna nasa tak kan nei a ni tih kan sawi nawn ve leh duh a ni e. Ka lawm e.

DEPUTY SPEAKER : Sawi dgh dang in awm tawh lo maw ? In awm tawh loh chuan kan duh tawk dawn tawh mai ang a. Kan mi ropui-te pahnih he House-in a kan ui zia, kan tuar zia kan sawi a. Khawvel hla phuah thiam pakhat Long Felo chuan 'Life of greatman all remind us, he can make our life sublime' a ti a. Hemi ropuite pahnih nun dan mawi mipuite hnena an inpekna te an thianghlimna te keini helai Legislator te hi min hruaitu ni thei sela, kan kawng hruaitu kan entawn ni thei sela a lawmawm khawp ang. Heng mi ropui kan ramin kan chan te sun nan hian tunah ngawi rengin minute khat i ding ang u. Kan business angin kan kal zel ang a. Tunah Pu Andrew Lalherliana Estimate Committee Chairman in report han present sela.

Pu ANDREW LALHERLIANA : Pu Deputy Speaker, ka lawm e. "Mr Deputy Speaker Sir, I the Chairman Committee on estimate having been authorised by the Committee to present the report on its behalf present this fourth report on action taken by the government on the recommendation contained in the second report of the Committee on estimate relating the Public Works Department." Thank you.

DEPUTY SPEAKER : A copy kha han sem nghal teh u. Tunah chuan Governor Address thu a 'Motion of Thanks' Governor Address discussion kan nei ang a. A motion puluttu ka koh hmain, minute engzatnge mi pakhat sawi nan kan ruat ang, i sawiho teh ang. Tin, pakhatah kan hriat tur chu, tun tum Governor Address hi a tawi hle mai a, discussion turah hemi chhungah hian ni thei sela, thlakhat hnu lawkah Budget Session kan nei dawn a, ni dangah chuan Department hrang hrang achievement te an rawn tarlan avangin Department hrang hrang sawiselnan te hetiang zawk hian atha lawm ni tih nan te kan hmang thin a. Amaherawchu, tunah hi chuan khatiang kha a ni lova, hei Bill chungchang Scheduled Tribe/Scheduled Castes te reservation chungchang bik liau liau-ah Governor in Address a pe a, hemi huam chhungah hian discussion nei ila, ang chak deuh in awm a nih pawhin hemi huam chhung amiah ang ula, chti a nih loh chuan Governor Address nidang a kan tih nen khan a in ang tlat lo. Nidangah kha chuan department hrang hrang achievement kum khat chhunga an hnathawhte leh kalphung phek tam takin a in ziak thin a. Tunah hi chuan chutiang a ni lova, tawi tein Address a pe a, hemi chhungah hian discussion siam ila, minute enggatnge tha a kan rin? Rawt na han siam teh u. (Pu Zosiama Pachuau : Minutes 20 a tawk mai lawm ni) (Pu P.C.Zoramsangliana : Pu Deputy Speaker, i sawi ang khan a tlem bawk a, minute sawmah pawh khan sawi tur a awm vak dawn em ni? Minute 10 a tawk mai ang) Pu Zosiama minute 20 a rawt a, Pu P.C.Zoramsanglian 10 minutes a ti a, a hran han rawt leh teh u. (Pu J.Thanghuama :Lai leh laiah la ila, 15 minutes a tawk mai ang). Han sawi zel teh u.

PU J.THANGHUAMA

: Pu Deputy Speaker, kan Governor Address lawng lawng hi heti lai a kan in chhung lut dawn a nih chuanin sawi tur pawh awm tawhin a lang lova, niminah kan sawi zo thawkhat tawh a. Amaherawhchu, hei Governor Address reng reng chu kan danah pawh ziah hmaih pawh a awm thei a. Tin, ziah duhloh luih te pawh a lo awm thei a, a sawihona atan ni 23 leh 24 (ni hniih) ruahman a ni a. Chumi a nih tak siah chuan helai lawng lawng a nih dawn chuan keimah atang chuan nimir khan ka tlingtla tawhah ka ngai mai a. Amaherawhchu, Governor Address hi duh ang zawng zawng Sorkar Administration fak a tul leh kan fak ang a, thurawn pek e tul leh kan pe ang a, kan ngaih pawimawh lai sawihona atan Governor Address hi ruahman a ni thin a pawng a rui a in dah beh a dik lovang.

DEPUTY SPEAKER

: Ni dangah chuan Department hrang hrang Sorkar hnathawk zawng zawng ten a thewh tum te a sawi thin a. Chutah chuan budget session-ah hian a ni deuh ber thin a, chutah chuan an na remchang deuh mai a ni thin a. Tunah erawh chuan khami thil kha a ni lova, hemi a address bi discuss tur a nih evangin hemi piah lam thu erawh hi chu a relevant lo a ni. (Pu J.Thanghuaman a relevant e, tiin a lo tang ve thung a).

PU C.L.RUALA
MINISTER

: Pu Deputy Speaker, Governor Address-ah hian Government policy tarlan a ni thin a, tah chuan tih leh tih loh sawi teuh theihna hun hi a awm thin a. Sorkarin a tih leh tih loh sawina hun kha, a policy chhungah khanin a khung vek thin avangin, tahchuan hnathawk han sawi rual in thawh loh te han sawi vak tur to a awm thin a. Mahse langin tun tum a mi hi chutiang a ni bauh lo mai a. Governor address kan discuss dawn a nih ngai chuan Scheduled Castes leh Scheduled Tribes tana Parliament leh Asscmby-ah seat reservation kan neih chhunzawmaa tuc atana bill passed a ni. Niminah khan a hmanhmawh thiak i ti si a, hmanhmawh deuh maiin kan passed daih tawh leh nghal a. Sawi leh pawh a ngai tawh em ni Nidang nen chuan a in ang lo a nia, vewiin a mi hi, niminah kan member zahawm takin a sawi pawh kha a in kaihhnawih lo a nia, hemi pawnlam a mi a ni. I.A.S. te I.P.S te tanah seat rcervation kan neihkha, hemi bill kan passed takah khan a sawi tel reng reng lo a ni. Chuvangin member ten ngaithiam tlang ila a tha mai larm ni aw ? ka ti deuh a ni. Ka larm e.

PU ZOSIAMA PACHUAU : Pu Deputy Speaker, kan MNF
Deputy Leader khan a rawn
sawi tawh a, amaherawhchu,
a hawihhawm lutuk niin ka
hria. Governor Address discuss-ah hian Deputy Speaker
chu Chairah i awm ang a, amaherawhchu, min kaihruai ang
tih a ni hauh lo a nia. Governor address discuss reng
reng hi Member of the House freedom of the Speech a nih
ni a ni a. A duh zawng zawng a sawi chhuah theih ni a
ni a. (Deputy Speaker, "A theih loh chu chu khawiah mah
a inziak lo") A theih lutuk chu chu, khawiahnge a sawi
chhuah theih loh vang tih a in ziah? El-Bethel chhuak
hian han hrilhfiah teh? Niminah dana inziak a awm lo
bawk a, Governor address niin hei hi kan ti ta mai tih
a ni a. A inziak a awm loh avanga tih mai te, a inziak
a awm loh avang tih loh mai te hi House kal dan a ni
chuanglo. (Deputy Speaker : "Ziak a awm loh chuan kei
hi ka lal ber a ni mai") Lal ber ni mah la finna nen a
i lal loh chuan i tla mai ang. Tunah pawh he Governor
address-ah hian seat reservation chungchang ringawt a
hi kan sawiho dawn tihna a ni lo, kan duh duh kan sawi
ang. (Deputy Speaker : "Dan awm lova inhnialna a awm
reng rengin ka decision hi thutawp a ni".)

Dr.H.THANGSANGA : Pu Deputy Speaker, in hnial
MINISTER ngaiin ka hre lova. Tin,
speech kha lo minute tih
ngaiin ka hre lo, kan subject
hi Motion of Thanks tih a ni a. Governor-in House a
address a, lawmthu kan sawina tur Motion of Thanks a ni.
Chuvangin, a thusawiah khan lawmna tur a awm lo kan ti
a nih chuan thudang, kan lawm si chuan khami motion-ah
khan kan sawi ang a, a bak a sawi theihloh. Helaia Chair
a thu thu a ni lo, dan a ni a, a kengkawh chauh a ni.
Chuvangin, kan duh duh kan sawi thei kam tih chuan House
hi a zahawmna kan tihnam daih ang. Chu chu ka phal lova.
Chuvangin kan sawi duh chuan Motion of Thanks a nih ang
chiahin a motion-ah khan kan cheng ang a, sawi tur kan
ngah loh pawhin ka ring lo. Nichina kan ngaihtuah tak
ang khan niminah kan passed tawh a ni. Chuvangin kan lawm
tlang viauin ka hria a. Nakin lawk a duh zawng sawi theihna
chu a la awm dawn tho va, hun rei vak a ni tawh lova.
Tun tum Emergency Session-ah chuan he thil avang hian
kan in kokhawm a, insawi thiam siak a helaia tih vak hi
mipui ngaihsanna pawh a ni hranpa lova. A dan dik tak khan
kal ila, sawi duh chuan sawi mai ila, motion of thanks
ah khan kan cheng tur a ni. Khami bak chu Pu Deputy
Speaker, i phal tur niin ka ring lo. Ka lawm e.

PU LAL THANHAWLA : Pu Deputy Speaker, Member
CHIEF MINISTER ten tuna kan koh chhan hi
an hriat atan a tha a.
Constitution 62nd Amendment
Bill, 1989 hi Parliament-ah chuan an passed tawh a.

Tun, 26 January hian kum 40 chhung India rama he reservation an lo hman tawh hi a expired dawn a. Chumi hma chuan Parliament-in a lo passed tawh khadan in a phut eng in State Assembly chanve aia tamin kan pawm a ngai a. Chumi atan liau liau chuan in lo thu thei ang em ? 26 January hma ngein tiin Prime Minister-in Chief Minister tin te hnennah ngenna a siam a. Chumi zulzui chuan he Emergent Session hi koh a ni a. Mahse 22nd January hmain an han tih leh tak zelah khan ni 18th January-ah kan thu thei em ? tiin kan ngaihtuah a, mahse langin kan Governor a awm lova. Delhi-ah inentir turin a awm a, chumi hma chuan a lo hawng thei dawn lova, tichuan tih ngaihna a awm ta lova, tun a kan settledd ang hian kan ti ta a ni.

Tin, First Session of the year hi Governor-in a address lohin a kalpui theih em ? tih kan ngaihtuah a, danah chuan First Session of the year hi g Governor in a address tur a ni tih a ni a. A address loh dan a awm em ? tiin kan hotuten an han zawng a, a address loh dan kha a lo awm lova, a address tur a ni tih kha a lo ni si a. Chuvangin a address turin kan han duang te a. Tin, State dang kha kan han rawn leh a, hemi subject chauhah hian em ni Governor Speech kha an confined tih kha kan han rawn leh a, kan han rawn chhun te chuan, hemiah chiah hian an lo confined a. Tin, State tam ber chu hemi atan chauh hian an lo kokhawm a ni. Chuvangin Governor Speechah hun dang ang lo takin tuna Constitution 62nd Amendment Bill, 1989-ah chauh hian a lo ni t-a a ni.

Tin, a chhan pakhat chu tluang taka kon kal chuan nakin lawk a Budget Session kan nei dawn a. Chutah chuan Governor-in a address dan pangngai Sorkarin a achievement ang a, a ngaih te, an kal zel tur phung leh an programme te kim chang zawkin leh changtlung zawkin a la rawn sawi dawn a. Tuna ami erawh hi chu ka sawi tak ang khan Constitution 62nd Amendment Bill hi, 22nd Jan. hmaa defined ngci tura min ngenna angin, chu chu tih ngei tlakah kan lo ngaih bawk si avongin, hemi ah chauh hian kan han in kokhawm a.

Niminah pawh khan tih thin dan a ni ngo ni lo pawh sawi hlei thei lovin he thil hi a pawimawh kan tih tlan avangin Governor address zawh a he resolution a kha kan sawiho ta nghal nghe nghe a. Lungrual takin kan ti thei a, a lawmawm hle a. Vawiin niah hian ka sawi tak ang khan chutiang opportunity chu Sorkar achievement leh programme chu budget session-ah sawihona hun kan neih tho tho dawn avangin Governor hian tunah hian a rawn sawi tello a ni. A chhanchu Constitution 62nd Amendment Bill-ah chauh hian he Emergent Session hi koh a nih avangin. Chuti chung chung chuan mcmber-ten kan duh anj thil dang thil. dang sawi kan tih talh hi a dik ang em ? a tha ber erg em? tih kha min ngaihtuah tir a. Amaherawhchu, member zahawm tak te thu ni solangin. Amaherawhchu, ka sawi tek ang khan tun Session leh Governor address hi chu Constitution 62nd Amendment Bill atan liau liau chauh a koh a nih avangin chutiang chuan a kal theih mai em? tih kha ka han sawi mai a ni. Mahse member-te thu ni sela, ka lawm e.

PU ZALAWMA
MINISTER

: Pu Deputy Speaker, kan dan para 16-na palina (4) kha en ila, he address hi Amendment a awm lo a nih chuan nimina kan adopted tawh a. Chuvangin Governor hnenah hian in kan communicate tawh mai tur a ni. Amendment a awm a nih chuan kan motion nimina mi kha Governor hnenah House-in kan adopted tawh alawm niminah engnge discussion tur awm. Hei zuk en ula, kan danah hian a chiang vek a ni. Chuvangin discussion tura kha chu Amendment a awm takin tih chauh a ni.

PU LIANSUAMA
MINISTER

: Pu Deputy Speaker, dan 17-na khan a sawi chiang a. Gpvernor in a address chhung ami apiang kha discuss tur a ni ang tih a chuang a. On such day or days or part of any day, the Assembly shall be at liberty to discuss the matters referred to in such address a ti a, i tanna kha a dik chiah a. Tin, a hun chungchang thuah hian kan dan 19-na pathumna (3) ah hian hun ~~kek~~ laklawh emaw harsat bik avang chuan a ni la la nilovah pawh Speaker-in a duh hun hunah a discuss tur ni hi a tuk thei tih kha a awm leh a. Vawiinah ruahman kha s ni leh mai a. Kan sawi tur a erawh chu a scope of discussion tur a erawh chu niminah Governor - inah a address chhung ami liau liau chauh kha a ni mai a. Mahse kan adopted tawh si avangin sawi a tulin a lang lo.

PU ZOSIAMA PACHUAU

: Pu Deputy Speaker, engtiziang ni ? hmanni tun tum ni lo, kan thutkhawm hmasak khan, Official Bulletin kan enterpretation kha kan ti tawh lova. Tun tum kan inkhawmah hian ~~S.A.C.~~ in ngun taka a ngaihtuah, kan House pawhin a approved tawh kha vawiin niah hian dik lo va hriatna a awm leh tlat. Kan kal dan hi kawng en lovin kan kal phawt a. Kan han en leh hian a dik leh ta thin lo nge ni? dik kan tih kha dik lo kan ti leh thin tih hi ngaihtuah tham a awm a. Hei chanchinbuah te pawh kan chhiar a, tun tum Session State tin ami hi, hemi thil hi a ni tih kan hre vek a ni.

Amaherawhchu, House-ah engnge an discuss tih te pawh kan hre leh tho. Engatinge Mizoram Legislative Assembly House-ah hian resist lutuk a thiltih kan tum le? Helai ah hian confined tur tih ruling lam atangin. a ri luai luai mai. Dan pawh kan zawm thei tawh lo a nih hi. Engatinge dan in siam pawh kan zawm theih tawh loh. Vawiin discussion hun tura dan kan siam pawh kan zawm theih loh? Engnge dan pawh chu awm ta, knowledged in kan awm a nih hi.

PU R. ROMAWIA : Pu Deputy Speaker, kan Governor khanin Motion kha a rawn pulut tihna em ni ? Minister in-charge Parliamentary Affairs in motion a rawn putluh a ni kan passed kha. Governor address kan passed lo. Chuvangin sawiho tur a la awm a ni tih kha kan sawi we duh a ni.

PU ZOSIAMA PACHUAU : Pu Deputy Speaker, khawngaih takin helai a para pakhatnah line tawp berna tlar ringawt pawh hi han chhiar ta ila. 1990 will be a year of remarkable progress for our State tih ringawt pawh hi tlawmngaihna ai mahin a huam zau lo maw. Sawi tham a awm dawn asin. How could this year 1990 be a remarkable year of progress, why, How, When, (Member dangin a rinthua sawina chauh a ni an lo ti a.) A rinthu a sawina chhan a hi what are the basis !!!

DEPUTY SPEAKER : A nih member-te khan hrethiam ru aw, khawngaih takin Pu Zosiam lo thu tawh rawh aw, sawi a hma hauhin i tawng hnem tawh bawk a. Dan ang thlap a ni.

PU ZOSIAMA PACHUAU : Pu Deputy Speaker, dan chu i sawi tawh lo ang u. Kan dan siam kan bawhchhe zing em, kan Session hmasaah Official Bulletin pawh kha dan ang lo ah kan pawm tawh a. Vawiinah B.A.C.-in a siam nimin a kan approved tawh diklo ah kan hmu lch a. A nihna takah chuan min hmu chiangho chuan min ngaihsen vak ngaihna a awm lo. Min hmu chianglo ho bulah leh engemaw ho bulah chuan klutna kan la nei thei, Nimina kan tih kha kan ti leh lo dawn em ni ? Engtiziange kan kal dan hi? Ka lawm e.

DEPUTY SPEAKER : Niminah chuan Scheduled Castes/Scheduled Tribes-te notification te kan ti a. Governor address kan ti lova, a address chauh va, chu chu kan discuss dawn a. Tin, tunah 10 minutes sawi tur kan ti ang. Tunah Motion puluttu Pu Lalbiaka i ko ang.

PU P.LALBIAKA : Pu Deputy Speaker, a lawmawm a. Nimin lam pangah Assembly Emergent Session tluang takin kan hmang zo va. Kan Governor zahawm tak pawn he House-ah thu a rawn sawi thei a. Tin, nimir lam pang a Scheduled Castes leh Scheduled Tribes tan a reservation India ram pum tana lawmawm, keini tlang mite tan leh hnem hnufual tan bik a thil lawmawm tak, kan passed ta hi lawmawm hle in ka hria.

Tin, kan House Leader zahawm tak te, kan opposition leader zahawm tak te leh Pu Zosiema kan member zahawm tak ten nimirah hun tha tak neiin, nimina kan thil tiyah pawh lawmthu an sawi tawh a. Tin, kan hotu dangte pawhin nimirah bawk hun tha tak neiin he House-ah thu lawmawm tak tak an sawi chhuak a.

Kumin 1990-ah hun tha tak mai kan han nei tlang leh te leh member te pawh dam kim a hemi House zahawm tak a kan han kalkhawm leh thei te hi a lawmawm hle in ka hria a. Tin, tluang taka kan Governor-in he House min rawn hawn pui te, address he House tan a rawn sawi te kan ngai-thila a. Nimirah Governor address kha a tawi teng tawng viau va, 5 minutes chauh chauh kha a ni pawhin a hmang thei a.

Tin, nimina a thusawi tlangpui a kha han sawi belchhah em em tur ka hre chuang lem lova. Nimirah kan hotuten engkim an sawi tawh a, kan ngaithla tawh a. 10 minutes lai thusawi theihna hun min han pe a, 10 minutes pawh hi a tam lutuk hial emaw ni aw, ka ti hial a. Member ten 5 minutes den den thusawi duh ngaih pawimawh nei ten sawi ta ila, a tawk lek lawm ni tih te pawh ka rilru-ah a awm hial a ni. Engpawh nisela, hei Sorkar kan kal a, Central-ah te pawh Sorkar a lo in thlak danglam chho zel a. Amahcrawhchu, Central Sorkar in-thlak danglam veng emew, helai Sorkar kal-hmanga harsatna kan tawh em ka ring lova. Kan Governor-in he Mizoram Sorkar hmaklakna tur a thui tak kum 1990 atan pawh beiseina sang tak, nimina a sawi tak ang khan, kan kalchhoh zelna Sorkar kalhmangah hian mipuite tana ham thatna tur hi he Sorkar hian a ngaihtuah reng a ni tih hemiah hian chiang hle in ka hre nghe nghe a ni.

Tichuan 7th five year plan kan hmang zo deuh thaw tawh a lo ni mai a. Kum tawp lam kan hnaih tawh a. Plan pariatna kan chuan kai leh hunah phei chuan he Mizoram hian hmel danglam tak a hmuh chhoh pawh ka ring a. Department hrang hrang kal hmanga kan planning board ten ngaihtuahna chungchang thu-ah pawh tunhma-a an la tih ve mgai reng reng loh, tu sorkar mah ina an la tih ngai loh. Chhimtuipui District-ah te, Saiha-ah te, District Planning Board an han thukhawm a. Tin, Lungleiaw pawh chutiang chuan an han thukhawm a, chumihmel thar rawn lan hunah chuan, nimina kan Governor-in a sawi tak ang khan he Zoram ah hian hmel thar duhawm tak, hmiasawnna ropui tak kan thlen theih ka beisei a ni.

Vawiin niah pawh hei hlim takin kan han kal khawm a, kan Governor address-ah ngawr ngawr phei chuan

thil tam tak sawi tur awm pawn ka ring lova. Ka sawi tak angin niminah kan Leader hrang hrang ten, kan House Leader zahawm tak pawhin min hrilhfiah tawh a. He hun tha tak Pathian remruatnaah Emergency Session kan han hmang ho te leh dam tleng taka member te he House-ah kan han inhmukhawm leh thei hi lawmawm hle in ka hria a, Chu chu ka sawi theih tawk ni mai sela, Pu Deputy Speaker, ka lawm e.

PU R. ROMAWIA

: Pu Deputy Speaker, sawi ve hlek duh ka nei a, kan Governor address hi a tawi teng tawng hle na a. Sawiho

tur tam tak thil fun niin ka hre ve a. Hei kumthar-ah member te chibai bukna min han neite hi chu member-to ten chibai buk let tlak hliah hliah niin ka han hre phawt a. Tin, beiseina eng ropui tak mai nein kumthar min hmuah sak a. Chumi pawh chu Mizoramah hian a ziak a tawp mai lovin, a takin Mizo fate zawng zawng chhenfak tlakin 1990 hi a rawn tleng ngei turah beisci ila. Chumi atana kan Sorkarna changtu kan Minister zahawm tak tak ten hma theihtawpin an le chho turah ngai ilangin.

Tin, han sawi tur ka neih pakhat chu, hemi a address-ah hian in India hmarchhak, tlangmi hruai tur theihtawp chhuahin People's Representation Act chungchang-ah te pawh hma an lo la a. Chutih laia thahncem ngai tak a hma an lo lak tawhna chuanin 1987-ah khanin People's Representation Act te chu siam that a lo niin chutah chuan kan ram a seat reserved 38 kan neih a pawh chu 39 a siam chhoh a lo ni a. 1987-ah tutenge ni kan ram mawphphurhna latute, Mizoram tan leh India hmarchhak atan te, India ram pum a Scheduled Castes leh Scheduled Tribes te tan pawh a hma an lo la pawh hi vawiin niah hian hriatpui zel ila a thain ka hria. Chutianga kan Leader fel tak tak tene hma an lo lakna chu 1987-ah ielhi - a Sorkarna changtu te pawhin an lo zah der a, an lo tih-hlawhtlin te a lawmawm rual rualin, nimin lama kan ngaih-thlak tawh angin, tunah Sorkarna changtute mi thar mah ni se langin keini tleng mite leh hnamawl zawk tleng mite min la hrethiam chho zel a, an thiltih hmasak ber te zinga Constitution lam tih danglam ngai en rawn ching chho te leh, chutiang ang tura keini pawhin Session koh zen zen ang chi ni lo, danglam taka ko a nih avanga member te pawh kan inhnial laih laih, Governor address te, pawh kan inhnial laih laihna, heng a rawn tleng chho te pawh hi a tu amah hi indem vak tur hi kan lo awm lem lo a nih hi maw !! Kan hmaa Sorkarna changtute pawh hi kan han sawi chhe viau thin a, Mizoram bikah mahse chunga kan hotute thahncemngaihna te pawh chu kan Governor hian in a rawn sawi lang ta iar tho si a. India hmarchhak a hruaitu pawimawh tak tak te pawhin hma an lo laknate pawh kha, hei a rawn sawi lang tho va.

Tin, Delhi lamah pawh Ministry hma'sa zawkin hma a lo lak tawhna a sawilan rual rual chuan tuna Ministry lo awm leh pawhina hma a rawn lak lehna chu lawm takin nimin lamah khan kan lo rectified tawh bawk a ni a, chuvangin hengah hianin pawimawh ta ber zawka ka hriat chu ram mawphurtute theuh kan nihna lai ah hianin enganginne thawhhona tha zawk kan neih ang a, party kan nihna ah chuan party hrang hrang pawh kan ni lang a, amaherawhchu debate thiam a in vuakthluk mai lo deuh a, thil tha zawk, ram pum huapa thil tha te kan hnam tana thil kumhlun tur te, he Mizoram state la intodelh lo tak mai intodelh chhohna tura hma kan lakna ah te hianin thahnemngai zawka thawhho dan engtinnge kan thiam ang tihte pawh hi kan in zir:tur tam tak a awm ta niin ka hria a, hun thar lawmawm tak min rawn hmuak-tu a te pawh thiam zawka kal kan tum tlante pawh a tha hlein ka ring a, vote laka member tlem zawkte lam zuk cho sa ul anf tawngkam te pawh hi hriat a nuam lem lo a. Tin, member tam zawk nihna nei mahselangin tawngkam thiama lam emaw a Gallery lam hawl chi-a wa vuakthluk tum sa pan ang ringawt pawh a tha ber dawnin ka hre ta lova. Chuvangin Mizoram tan tak taka kan thawh chhohna tur hi a pawimawh in ka hria a, tunah hian India ram pumpui te kan thlir chuanin kan boruak chhote eng angin nge a kal dawn tih pawh sawi a har ta hle a, State leh Central in laichinna pawh hi enganginne a kal dawn tihte pawh sawi a har ta a, Governor address pawh, a address tu ngei pawh resignation thehlut mekte an lo nih chhoh na laiah te pawh hian zau zawk keini Mizorama mawphurtu atana mipui in a min thlan a te hian Mizoram bik hi engtinnge uluk zawk leh ngaihtuahna zau zawk nena kan kal pui ang tih hi kan ngaihtuahna ah a awm tha hle deuh na hria a, Governor in a thil lawmawm tak te min hmuak tur awm nia a sawi te hi a takin rawn chang ngei sela, tute emaw tan deuh chauh a tih a, tute emaw vote tu nia hriat deuh sorkar hnathawkte han leng dar dar ingawt ang chi te emaw, tute emaw khawtlang hotu an lo nihna han in thiat sak buaih buaih ang ringawt te pawh kha 1990-ah hi chuan awm tawh leh hram sela, ka bial bikah phei chuan kan tuar hasa hle a, keima chhung-leh-khat nih chu vanduina ah a kal hial ni te in ka hria a, chutiang chuanin ka chhung leh khatte sorkar hnathawkte chuanin an tuar em em a, transfer order hi an hmu char char reng mai a, chutiang ang chu awm tawh lo turin ka duh khawp mai a. Kunthar lawmawm tak 1990 hi chuanin, kan Governorin a address-na a beisei na sang tak min rawn dah ang hian hun thar tha zawkah min hlangkai ngei gela tih hi ka duh em em a, chuvangin he thu lawmawm tak, motion rawn pulut tu in lawm-thu sawina a rawn putluh kan lawm rual rualin kan la lawm leh zelna tur kawng hi zau taka hawnin awm zel thei se tih hi ka han sawi ve duh a ni e. Ka lawm e.

PU J.THANGHUAMA

: Pu Deputy Speaker, vawiina
kan sawiho tur hi han chhiar
leh chi pawh niin a lang lova,
niminah B.A.C report kan ngai-
thla tawh a, Governor address

sawiho na atan ni 23 leh ni 24 ruat a ni a, chumi dung
zui chuan vawiin nia kan business-ah pawb a number pathum-
na -ah Discussion on motion of thanks on Governor's
address tih a ni a, Subject hi han tih relevant kan
tum hram hram ang a. Amaherawhchu tlema sadai lo thiah
palhna a awm pawhin min lo hriathiam leh min lo ngaih-
nathiam ka han dil hmasa duh a. Hei 1990 kuma kan session
hmasa bera kan Governor in a rawn address naah hian he-
tiang hian a rawn ziak a, "with the active involvement
of all the Hon'ble Members an' the people outside in the
development of Mizoram, 1990 will be a year of remarkable
progress for our state" a ti a, a mi duhsakna member te,
member lo te, Mizoram mipui reng reng te 1990 hun kan
tawng mek a hi chuan kumhlui kal ta a keimahni party leh
party kan lo in en hranna te, party in duhsakna te, in
duhsak lchna te zawng zawng kha pahithla in thinlung
hmunkhat pu-in Bethel rilru puin kal turin min duh tlang
niin ka hria a, nimin lamah te kan ngaithla tawh a, nimin
lama kan passed kha chu resolution a ni a. Vawiina kan
sawiho tur hi chu Governor address a ni a, thil inhnial
theih tak a ni a, Governor address-ah hian a subject
chhung ami deuh chauh hi sawi turin kan in ti fhei a, a
dikna Jai pawh engemawchen chu a awm ang a, amaherawhchu
kan rrel khawl hi a bul atanga a tawp thlenga han thlir
kirin nimin lama kan lo kal tawh dan te, a hma lama kan
lo kal tawh dan te atang in dan ang tak tak chuan thil
hi tih a lo harsa a, nimina kan inkaihhruai dan atang
ringawt pawh khan engemaw a han pelh deuh relh chu a
awm chho zel a. Amaherawhchu kan in ngaihnathiam;
chho zel turah ka ngai a, vawiina a bul tan nana ka han
sawi hmasak duh chu nimin lamah te kan ngaithla tawh a.
Kan House Leader pawhin a ngaithla in a sawichhuak a.
Tuna Delhi lama kan roreltute kan Sorkar chelhtute hi
keini opposition lama thute pawhin kan lo hmuh danah
chuan BJP Hindu kulmuk tak taka kan ngaih te a politics
takah chuan communist haw em em te Rightest tak tak an
ni a, a lehlamah chuan Leftist an awm ve leh a, a lai-
ah Janata Dal an kal a. Tun tum a Delhi kan zuk kal
pawh khan hotu hrang hrangte, Minister pawh 19 (sawm
pakua) lai kan hmu a, chuta kan zuk kal a, kan hmuh
hmasak he House kanhrilh ve duh a, chu chu Pu L.K.Advani
M.P (BJP President) a ni a. Chutah chuan subject lian
tak tak pathum kan thlen a, thuruk pawh a ni lem lovah
ngai ila, Mizoram Governor hi a rang thei ang berin
sawn ni sela, buai avanga compensation Rs. 14,80,00,000/-
(cheng vaibelchhe sawmpali leh maktaduai riat) Planning
Commission pawhin a lo ruahman tawh a kha a rang thei
ang berin release nisela, kan ti a. Kan ruling lam
pang ten lo ngaithiam ula, kan tih ve tur engemawchen
chu awm in kan hria a, chu chu tuna kan rangva sem dan
hi a fel tawka kan hriat loh avangin kan thlen a, a
mimalah tumah kan zuk ti lo. Governor chung-chang thu-

ah chuan Fu L.K.Advani M.P chuan Air Chief Marshal, Arjun Singh tuna Delhi Lt Governor ta hi in duh em a lo ti a, amah kan hre lo a, engpawhnise politician fel tawk tak nise kan ti ringawt a, (Dy.Speaker : Governor Address nen a va in person ve, a in zul tlat lo mai, helai Governor thlak in tum chungchang leh Governor address kha chu inhlat tek a ni). Helaiah hian hlauh-thawnna kan nei ti a, 1977-a Janata an sorkar khan kum 2 (hnih) lekah khan an tlachhe ta mai a, heng hi engtinge ni ang pawh kan ti a, ninga chhungin mi 23 (sawmhnih-pathum) kan hmu a, kan hmuh apiang khanin, 'we know, we will never repeat 1979' an ti a, "kan repeat chuan keimahni kan inphum hlen dawn a, hei hi keimahni thil a nia, lo thlaphang miah suh u" min ti a. Party mal pakhatin sorkarna chak taka a kaihhruai hian a dictator thin a, chuvangin tuhah chuanin Leftist leh Rightist kha veng-thawng taka thil a kal chhoh pui takna atang hianin bei-seina lian tak kan nei a, thlamuanna aw min pe a, bawng talh khap te, tlangmi duhsakna scheduled caste leh scheduled tribe te pawh hi hlauhthawnna kan nei ang reng viau a nia kan ti a, hemi kawngah hi chuan hltuthawng reng reng suh u an ti a. Arunachal a Setena Bill tih pawh kha, "Congress I Bill a nih kha," L.K.Advani chuanin min lo tih khum ta hmiah mai a. Bawng talh te pawh eng-tinngeni an khap theih ang ni ? Indiarahmah pawh ia ewm na ngai reng reng lo Home Minister-ah pawh Minority ami Mosolman kan dah hi. Tin, Kristian-ho hi lo hlauthawng feng reng suh u. Communal party-ah min han puh tek thin a, kan communal reng reng lo. Kan ngaihdanah erawh chuan sakhu reng reng a in ang 'Everybody has the right to worship' his own religion tih hi kan ngaihdan a ni e an ti a. Chuta tanga reiloteah chuan hnam hnufualte duhsakna kum 10 (sawm) dang pawh seina a lokal leh ta mai hi a ropui pawh kan ti. "Punjab leh Kashmir busi chinfel ngai Sorkar hmasa (Congress) in min hnutchhiah a, Kashmir pawh a rang thei ang ber a tihfel kan tum ang," tiin min hrilh bawk. (DEPUTY SPEAKER : Khulai Delhi a in in dawrna ringawt chu helai Governor address a sawi chu a dik lo ang a, Central nen a in indawrna hlir i sawi a. Governor address motion of thanks ah Khan i lut har luttuk a, i hun a ral top a nia).

Khulai kan Central Sorkarin hnam hnu-fualte min lo duhsakna hi heti lai Aizawl tlang atanga kan in zirtirna, party hlauhawm, Sorkar hlauhewm anga kan lo in zirtirna hi a dik loh zia vawiin nish hian kan zavaia hriat atan House ka hrilh duh a ni. Chuvangin tunah hian thlamuang taka kan zavaia kan ewm ka duh a ni.

Tin, tunah hian tribal induhsikna kan ti a, Mizoram pawh MLA seat 40 (sawmli) kan nci a, seat 40-ah seat 38 chauh kha Mizo tan min lo "reserved" sak a. Delhi kan kal khan election commission-ah pawh nasa takin kan inbei a. Zawlnuam leh Lunglei South kha hnam-dang vaite chuh theiin min rawn siam sak tlat mai a.

Tunah hian seat 1 (khat) chu min paihsak leh ta a. Seat khat a la bak fova, hei hi 100% seat 40-ah seat 40 hi tribal tana kan la nawr zui leh a, ruling party leh opposition te kan zavaia tangruala kan tih hi a tulin ka hria a. Tin, a tribal zingah rau rau pawh hianin tribal lehchhawng kan la awm tlat mai hi a vanduaithlak ka ti. Kan ram dinhmun kan ngaihtuah vang vangin India sorkar laipuiin hnam hnufulte dinhmun chawikan a duh a, rual te an ban phak ve lo ang e tih min hlau a, min duhsakna kum 10 (sawm) dang min pawhsei sakna chhungah hian Mizoram chhungah hian a tribal leh chhawng kan in dah ang tih hi ka hlau a ni. Hmanniah khitilai farm pakhata kan leng chu mi pakhat hian min lo hrilh a, chu chu kan sorkar pawhin min lo chhinchhiah sak ula, tha in ka hria a. Tribal-ah hian tribal lehchhawng kan awm dawnin ka hre tlat. Niminah khan kan member zahawm tak Pu Zosiama khan a sawi tawh a. Mi pakhat ram neihzat a han sawi ta a, tunah hianin a hming chu ka sawi a dikan ka hre lem lova. Rs ,00,00,000/- (nuai zahnih) ang hu vel hi ram a nei a ni (in leh lc), Sorkar Department hotute a ni a, an Department ram tana tih kha a in sahthlak chho zel a. Rs 20,00,00,000/- (nuai zahnih) velin a estimate thei e an ti a. Tin, Aizawl chheh vel zawng zawng hi mihausa ramin a khat tawh a ni. Chuvangin kan revenue te pawhin land ceiling hi fel taka tih a, duhdan takah phei chuan kan Chief Minister pawhin a vei ve tho ka ring a. Kan Minister zawng zawng te, Sorkar hnathawk zawng zawng te hian kan ram neih, kan property hi in declare vek thain ka hria. Sorkar atangin sum engzatnge loan kan lak ? kan sum lak luh leh kan in leh lo leh kan nitin khawsak dan hi a inmil em tih hi enfiah thain ka hria a. Hmanniah Major pakhat ka hmu a, thlakhatah Rs 5,000/- (sangnga) lai ka hlawh ve a, Delhi-ah chuan Rs 5,000/- hlawh e ti lo chuan Bus-ah kan chuang a, Aizawl tlangah chuan a mi nazawng hi Taxi-ah an chuang phaa a, a ti a. Ami sawi khum dan kha a hrehawm ka ti a, hei hi kan sorkar hruaitu ten kawng min dap pui ula ka tia.

Tin, kan Home Minister pawhin min hriat-pui atan ka duh leh chu tunlai hian in saah hian hnamdang-te ka ruai lo thei lo a, he thilah hian vengtin V.C. ten mahni V.C. huam chhung theuha hnamdang chengte a record kawl vek sela, sorkar hnathawk nge an nih a, tunge a sponsor tu ? sorkar pawhin a record khawl vek se. Tin, Electoral Roll-ah hian awm lo se ka duh a ni. Kan revenue hotuten min ngaihtuah pui sela, ka duh chu tribal protection chungchang thu a la ni zel a. Aizawl khawpui chhunga mawphhurtu hi a tu ber hi nge ? Revenue nge ? PWD nge ? LAD nge ? tih pawh a hriat loh, a hman apiang hian kawng depin In kan sa tawh a ni ringawt mai.

Pi Indira Gandhi kha engemaw chenah ngaihsanna ka nei a, Emergency kha an ti a, Aizawl pawh hi thel thawt thawi kan ngai a ni. Motor a tam tawh lutuk, kawngkam a In sa lian apiang hian kawng an nek chep mai a. Chuvangin tunah pawh hian kawngkama In sa zawng zawng hi wothout compensation in naia khat pawh beisei lo in kawngko atanga 2 ft. a hlaah thel thlak vek thain ka hria. Chu chu rawtna angin ngenna ni fawmin ka siam a ni.

Tin, party chungchangah chuan vawiin niah opposition-ah kan awm a, kan kikawi kual tawn vel mai mai a. Fourth Grade-ho chungchangthu hi a bik takin kan Chief Minister zahawm takin min lo hriatsak se ka duh a, hlawh tlem side income reng reng nei lo an ni a. Tunah hian an basic pay hi a chhe em em mai a. Nupui fanau te an lo nei a, zirna school-ah te an lo in tir ve duh a. Thla a sik a, kawrlum te an lo duh ve a, pheikhawk bun tur an lo duh a, mihring tung chho a kal chu kan nitin mamawh a in ang vek a ni. An basic pay a hniam lutuk hi siam thar sak nise, a tlem berah Rs. 1000/- (cheng sangkhat) emaw tal nise ka duhin ka phut a ni. A thenin thla khatah tunah Rs. 7,000/- Rs. 8,000/- hlawh te an awm laiin a thenin Rs. 1,500/- pawh kan hlawh lo va, a bakah Car duh tawk hman tur an nei a, pangpar tui leihtu nen ram zau pui pui nen an awm a, (a mimalah ka sawi lo) an hlawh hi i pawh hniam sak ang ka ti lo, ka sawi zawk chu Mizoram hlawh hniam berin (minimum wages hi) thlakhateh Rs 1500/- emaw Rs 1600/- talin a siam chhoh dan sorkarin i ngaih-tuah ang u, tih ka ngen duh a ni.

Tin, Assam Rifles chungchang thu hi ka sawi leh duh a, kan sorkar (MNF Sorkar) lai khan Zokhaw-sangah in sawn tur a ruahman vek tawh a ni a, tunah chuan an Mandir pawh an sa leh tlut tlut tawh a, kawng nek em em in an sa thar a, hei hi engnge ni a awmzia ? an chhuak leh dawn ta lo em ni ? Central a a ruling party kan nihna hi kan ran rawngbawlna atan nge kan hman dawn a, hnam dang-te rawngbawlna atan kan hmang dawn ? Chuvangin hengte, hengte pawh hi bawhzui ngai anih chuan kan hotuten min bawhzui sak turin ka ngen duh a ni.

Tin, National Highway chungchang thu hi han sawi leh ka duh a, kan P.C Ministry lai khan thil an lo ti-sual lian khawp mai a. Serchhip tiang dungah kawng lain pui mai a tiang tawh a, khatih lai khan Road Congress kha national highway siam thei-tute an ni a, mahse Mizoram Sorkarin rewtna a siam thei. Silchar atangin Aizawl tiang-ah a lo chho a, Aizawl tiang atanga Sateek-ah, Thenzawl-ah, Haulawng-ah PC Sorkarin tiang tir ta lovin a kawngpui lo tiang tawh sa, Aizawl-Serchhip, Lunglei-ah a titlang leh hi chu P.C Sorkar-ina an thiltih sual lian ber niin ka hria a, hei hi a thlak leh dan emaw a tihpun dan emaw awm se ka duh tak tak a ni. Tin, financial year a tawp dawn tep a, P.W.D.-ah te, Department hrang hrang-ab te leiba a tam lutuk a, kan leiba zawng zawng hi financial year tawp hmain party bik sawi lovin min chinfel sak sela, pek vek nise ka ti a. Tin, mimal hnenah Sorkar sum tam tak puk tir hi thil tisualtu chu a rang leh dan anga hrem ni rawh se. Tunah hian a puk tir tuin tuar lovin a puk-tuin a tuar a, hei hi zawnga tuar ai ngau-in a tuar tihna ang a ni. Chuvangin hetah pawh hian sorkarin white paper (thudik tak awmdan hi) min tihchhuah sak turin ka ngen a ni. Engzah chiah nge a puk tuin a puk ? Tin, rangya sem chuhgchang pawh hi a mirethei hnepah pek nisela, party party thliar lovin, a semtu hi sorkar chan nisela, party in sem lo se, nimin lawkah Kolasib-ah kan kal a, Congress party-in an sem vek a, MNF 'D' an thinrim a, an lo kal thla veleh a, an sem veleh vek e an ti a. Khatiang a inkhualtelem ang mai mai zawnga Sorkar a kal chuan a

tlo reng reng lo ang, chuvangin he thil hi ngaihtuah
that leh nise tih kan ngen tak meuh meuh a ni.

Ka lawm e.

DEPUTY SPEAKER

: Tuna a sawiah khan Governor
address a awm lo hle mai a,
tun a mi kha chu kan ngaih-
na thiam a, 10 minutes strict
takin ka vawng tawh ang a, tunah Pu Lalrawnliana sawi
turin i kc ang.

PU LALRAWNLIANA

: Pu Dy. Speaker, thusawina
hun min pek avangin ka lawm
e. Hei Governor thusawia
scheduled caste leh scheduled
tribe te tana seat reservation chungchangte kum 10 lai
pawhsei a lo ni ta hi a lawmawm hlein ka hria a, amah-
erawhchu a lawmawm rual rual hian Governor thusawiah
thil pakhat mualpho thlak deuh a rawn laihlan a awm ve
a, Central sorkar hmasa khan kum 40 chhungin scheduled
tribe te scheduled caste te hi tichangkan hman tumin
leh beisein programme a nei a, keini lo thlir danah
phei chuan kum 40 hma te chuan min tih changkan a, rual
ban ve awm a ni a, kum 40 em em te chu hnathawh chak a
tum awm lo mang e tih tur khawpin duhsakna kum an lo
tisei hi a thlaphan thlak a, amaherawhchu kum 40 a han
thleng a, central sorkar hmasa khan scheduled tribe leh
scheduled caste a enkawl na-ah a hlawhchham der a, a
policy leh a thil ruahmanah a failed a ni tih Governor
thusawi hian a rawn tilang chiang hle in ka hria a, chuvangin
Governor thusawina thil kal tawh hnathawktute
hnathawh that loh zia leh an policy an hlawhchham zia a
rawn sawilang chiang hi lawmawm ka ti tak zet zet a ni.
Central sorkar hmasa khan keini 5,00,000 (nuasinga) pawh
tling mang lo kum 40 chhunga rualbana min han siam hman
lo hi kan ram tan a lungchhiat thlak lutukin a hrilhhai
thlak lutuk a ni. Chutih nak alaiin Mizoram chhungah a
bik takin tunah phei chuan kum 10 an han pawtsei leh a,
hei pawh hi ka la hlauthawng, nghe nghe a ni. Mizoram-ah
chuan hmasawn vak ngaihna pawh a lo awm lo, tuna kan ram
dinhmun-ah phei chuan beisei awm lo tak niin ka hre leh
nghal a, a chhan chu nula hmeltha deuh lakah Apex bank-
ah Rs 39,00,000/- (nuai sawmthum pakua), S.B.I.-ah
Rs 30,00,000/- (nuai sawmthum), Industry-ah Rs 36,00,000/-
(nuai sawmthum paruk), Sericulture-ah Rs 10,00,000/-
(nuai sawm), P.D.C-ah Rs 42,00,000/- te, mimal hnenah
te, sorkar pawisa mimalin an lo puk lehngthal niawm a ni
a, hetiang hi chuan keini scheduled tribe leh scheduled
caste te hian hma kan sawn ka ring lo. Chuvangin Gover-
nor thusawia kum 10 hun duhsakna min pawhsei sak hi a
lawmawm a, hemi chhung hian kan ramin rual kan ban ngei

fheih nan kan sorkarin hma a lak ka duh a, hetieng ang mai maia kan sorkar hnathawk enkawltu sorkar hian Governor thusawi hi in tihhlawhtlin phak loh ka hlau tak meuh meuh a ni. A lawmawm hle ang hian kin sorkar hian a chan chhuak lo ang tih hi ka hlau a ni. Central sorkar hmasa-in kum 40 chhungin hnam hnufualte min enkawi a tumna dan a hlawhchham hul hual a nih hi.

Pu Dy.Speaker, Governor-in a rawn sawi chhuak hi ropui ka ti a. Chuvangin hei hi lawmthu sawi kan ba a ni tih hi kan hriat nawn leh ka duh a. Tin, kan hun kal tawha kan school lampang chungchang thu-ah Education Department-ah High School atangin nuai sawmruk (60lakh) lai thil dang atanga lak a ni a. Tin, Middle School ah 40,00,000 (nuai sawmli) lai pawh heu a ni leh a. Heng-te hi a hmanna tura hman anih loh avangin keini scheduled caste leh scheduled tribes Mizoram chhunga kan High School leh kan Middle School zirtirtu leh Sorkar hnathawk then thente hian Bonus lak tur pawh an nei lo a ni ang. Chuvangin he kan ram leh hnam kan enkawlna ah hian Governor-in thu a sawi ang tihlawhtling tur hian kan state sorkar pawh hian hma in lak ka duh a. Central sorkar hmasa-ah failed hnihna ang kha ni lovin, a ruahman leh a lo programme tawh ti hlawhtling thei lova, an lo tlusawp ta a. Kan sorkar ding lai pawh hian keini scheduled castes leh scheduled tribes te hi hlawhtling taka tih hmasawn kan nih theih nan Governor ghusawi ang hian hmalak ka duh a, ka phut a, ka ngen bawk a.

Tin, sorkar sum leh pawisa pawh hi mimal hnenah tianga puk ral tir mai mai lovin, a hmanna tur dik taka hman a, pawh heu mai mai lova scheduled castes leh scheduled tribes ten hmasawnna tura dik tak leh fel taka hman hi tul ka ti a, ka phut a, ka ngen bawk a ni. Chuti chu ni rawh se.

Ka lawm e.

PU VAIVENGA

Pu Deputy Speaker, vawiin-ah

Governor address sawi tura
thutkhawm kan mei hi a lawm-
awm a. Keini scheduled tribes
hote hian chuan lawmthu sawi awm tak kan ni reng a. Kan
tih tur ropui tak kan ti niin kan hria a. Nimin lam a hemi
kan sawi sawihona hi lungual takin kan passed tawh nghe
nghe. Nimina kan thiltih khan kan lawm tak meuh a ni tih
chu a entir tawh a. Amaherawhchu khami kha tawk ti mai
lovin, vawiin niah hian kan lawmthu hi han sawi tlang leh
teh ang, kan ti a ni ber a. Tunah khan member zahawm tak
khan hetilai Mizoram Sorkar-in a thil a han tih dan te
nen khan hmeh bel a kha kha chu tunah kan zuk sawi nen
hian kan lawmthu sawina nen hian a in persan daih a.

Tunah kan lawmthu sawina ber tura hi chu India ramah hian hnam chi hrang hrang kan awm a, keini tlangmi te hi mi tlem te kan ni a. Mi tlem te te hian keimahni State-ah rorelna kan lo nei ve a, seat 40 kan nei a. Chumi seat 40-ah chuan seat 39 chu keimahni tlangmi te chauh in kan ai kan zuk awh theihna tur a buatsaih a ni a. Seat 1 erawh chu hnam dang mi pawn lam mite emaw helai a Mizoram chhunga Electoral Roll-ah hming awm ve in rawn chuh dawn ta sela, a chuh ve thei tlat a, a dang 39-ah erawh kha chuan an chuh thei lo reng reng a. Tin, chumi pawh chu member te pawhin in rawn sawi lang a, hemi seat 4 pawh hnam mi nilo, pawnlam mi nilo, Mizo ngat tan ni sela, kan duh thusam a ni nghe nghe a. Chu pawh chu helai a member lo kalkhawmte hian hengte pawh hi India Sorkar pawh hian hun lo kal lehah chuan keini Mizo bik te chauh in a kan chuh theih atan min siam sak sela, kan duhthusam ni nghe nghe in a lang a. Amaherawhchu, tunah seat 39 midangten a min rawn chuhpui theih hauh lova min han reserved sakna hi a lawmawm a, chu chu 4 lo tawp ta in tunah hian kum 10 chu tuna kan inthlan dan ~~ang~~ ang a kan term a han chhut hi chuan term 2, term khat hi kum 5 a lo ni a. Kum 5 a term a term pum hlum ang zel a kan tih chuan inthlan vawihnih chhung a ni a. Chumi ah pawh chuan induhsakna kan lo neihna ang ang a min han hum sak leh ta hi kei zawng lawmawm ka ti a. Tichuan lawmawm kan tih rual rual hian richina ka han sawi lan tak ang hian kan rilru in hemi seat 1 te kan han nei a pawh kha, Assembly seat ah pawh hian a pumin min han pek sak thei sela tih hi ka duhthusam a ni a.

Tin, tunah Lok Sabha-ah seat 1 chauh kan nei a, hei hi chu a dang han nei leh mai tur kan ni lova, hemiah hi chuan hauhsa thil chiang tak a ni a. Chuvangin helai a lawmthusawi hote hian in lawmthu kan sawi rual rual hian hemi Assembly a kan seat zawng zawnge hi keini a Mizo bik te tan a hauhsak theih ni sela, a lawmawm hle in ka hre leh zual a. Chuvangin kan sawiho kan Governor thusawiin hetiangta reserved sak a nih lehna chunga hei hi India ram pumpui tan a thil lawmawm, ~~bik~~ a bik takin Mizote tan phei chuan thil lawmawm lehzual a ni e, a han ti hi lawmawm ka ti a. Chuvangin vawiinniah hemi kan lawmthu lungual taka nimina kan han passed te leh vawiin ah kan han sawiho te hi lawmawm ka ti tak meuh meuh a ni.

Ka lawm e.

...41/-

P4 - ZORAMTHANGA : 3

Pu Dy. Speaker, kan Governor thusawi motion of thanks discussion hun-ah thusawina hun min pek avangin ka lawm a. Heta kan hmuh anq hian Scheduled Castes-te

leh Scheduled Tribes-te leh Anglo- Indian hote tana Kum
10 (sawm) dang chhung representation ~~and~~ ~~the~~ te,

special consideration kan nsi leh dawn ni èn a langa.

Central lama kan sorkar hruaitute hma lak dante, lawmawm hle in ka hria a. Kan ngaihthlak tawh ang khan tunah sorkar han siam tute hi a ~~bi~~ tin chi tang in chawhpawlhte ni a a lan avang khan kawng lehlamah chuan, keini hnem hnufualte hian, a bik takin sakhuano lama Kristiente kan nih bawk aveng hian, tlema chepna kan nei palh a nge tih hlauh thawnnate pawh kha a ri viai a. Nimahsela lehlamah Leftist, Rightist, a laia kawngkhat kol bawk, chutiang in chawhpawlth chuan hma on rawn lak pawh rin ai takin, hei a rawn laili a. Thenkhatte nekchepne tur kawng owm hauh lovin, kawng in hawng zow zawngin, kum 10 dang represen-tation-ahte min rawn pawhseisak leh ta hi, a lawmawm hle in ka hria a. Hemi thu-anh hi chuan lungrusal takin niminah kan possed tawh a.

Tin, vewiān-ah pawh hemi thu-ah hian, Governor
hnenah hian lawmthu kan hrilh tur a ni kan tih hi dik ka
ti a, tha ka ti em em bawk a ni. Tichunn tun hau zelsh
pawh hlauh thawm awm an nih ang a, sowite a awm a nih
chuan a awm lo a ni tih hi ka rawn sawi duh a. Kumthar a
a bul an tonna a takin kan hmu a, a lawmawm tak takin ka
hria.

Tin, chulo voh chuen Governor thusawi-nh hian
'I am sure that with the active involvement of all the
Hon'ble Members and the people outside in the development
of Mizoram, 1990 will be a year of remarkable progress
for our State' a ti a, Hon'ble memberte active involvement
nen hian a ti a. Mizoram progress chung cheng thu nh hetah
hian tunch kan sorkarte pawh hian, Hon'ble members keini
MLA te active involvement nen sorkarna in kal pui dan
turah pawh he sorkar hian fimkhur leh zuai leh hmawawn thei
lehzaual kawng zawnga tan an kak a ngaih zia hei hian a
zuk Tress in ka hria a. Amherawhchu, hetah hian Development
Mizoram 1990 will be a year of remarkable progress
for our State, a ti a. I am sure a ti leh nghal a. 1990-ah
Mizoram State tin hian Development lawmah phei chuan
remarkable progress hmawawnna denglam bik leh hmawawnna
chhinchhish tlak a ni ngei ang tih ka'chiang a ni, a rawn
ti hial a. A lawmawm in a ropui hla a, amherawhchu, hei kum
thar 1990 kan han let chho a, a bul in tanna-ah hian hla
phuahtuten an tih angin "The year is dying let him go
ring out your ringing the news" tih a ni a. A hlui a kha
kan käl tir dawn a, 1990 ah hian remarkable year of prog-
ress kan neih theih nan a tha chu kan ~~44th~~ theih ~~45th~~ ~~46th~~
la lut dawn a nia. Hetahing hian sorkar policy leh thil
liempui han sawina chi pawh a ni lova, chung chu nakinah
kan ngaihthlak tawh ang khan Budget Session nh te pawh kan
la sawi aŋg.

Tin, thil hote "pokhat kum than atana mipuina
Bawhinah thil hote aenga lang kan tana kan lawmna tur,
chu chu a thuneitute leh a concerned tena in lo hriat
atana ka duh chu, nitina kan ngaihmawh chu kan yeitur a
ni a, kan eitur kan siemna chu kan ~~mai~~ kan chaw chhumna ~~mai~~
mai maite khan kan rilu a khawih a. Chutah chuan Gas-te
kan han la dawn a, Gas lak ngawte ~~chaw~~ pah hian, nepnowi a
toma, thil hote Gas chu supoly a tam tawk love kan inchuh
nesa tih kan hris, amaherawhchu, ram in a tih chhuah theih
tawk a nih rih si chuan, helom tih tam belh tur a ni e
tih hi chu ka Tress pawh ngai lovin, sorkar thuneitute
leh mipuiin kan mamawh zia kan hre tlangin ka hris a.
Amaherawhchu, a bur ruak ringawt submit tur ringawt pawh
theihloh va, a bur khat man sia tam a transport nana
hman ngai thin te erawh hi chu thu neituten thil hote
ah pawh an thlir tha in ka hris a. Veng hla atanngin a
bur ruak Taxi hire in phur phei tang tang a, 20, 30 an
seng a, a thehluh theihloh an lo ti a, tichuan 20,30 seng
bowkin phur haw leh tang tang a ngai a, chumi hnu-ah
chuan a theih tawh engem aw ti a, a hran a zawh leh chuan
risk leh down chuan a let kha a bur ruak supply na tur
pawh pak luh tur pawh kha a buaithlak tham a, hei hi sawi
a tam em em mai a, thil hote-ah hetah hian thuneituten
henga a titute hi chuan godown ang hi a hmunah a rem a nih
loh chudn hmun dingah tal dahkhwmna lo siem se, a bur
runk en te hi chu submit theih turin sorkarin thil hote
hengte hi chu a instruction hotes kai thai mai a ni a,
chu chu mipui chuan thawk hunina tur thil hote xingah a
ni hai hi in lo hriat atan kan duh bawk a, tichuan Deve-
lopment lian pui ni lo mahse khang khan hemi Governor
address ang hian chung thil hote ah chuan remarkable year
of progress ah min an ngaih na tur kha thil hote ah a
awm thei a ni.

Chuloh chuan ka han sawi leh duh chu kan sum
leh pa dinhmun em hian a buaithlak em em mai a, dawr ka
khar tawh mai dawn emawni tih nang enga han inti ila,
Kohhran thawhlawmeh leh khawtlang thawhlawm ah leh thil
hranah pawh sum tlem lutuk hi a buaithlak em mai a, kan
kumthar hi chuanin finance leh sum hi chuanin min rawn
singin ve hram hram tawh sela, tih hi kan ngen duh a,
Governor address anf a kal theih nan leh security min
pek a hi a rawn fulfill theih nan hetah hian U.T laia
Home Ministry in a an budget atanga min enkawla kan sum
bat te kha engahg nge a nih, rulh ni a engang nge rulh
ni lo, khang kha kan State budget atanga rulh palh te pawh
a awm thei a ni a, khami kha kan rulh chuan lehlemah khami
aia kha niin pek leh tawh siloh chuan U.T laia Home Minis-
try in an bat kha tung keimahn pocket ti mai ila kan State
pawisa ip atanga kan rulh chuan a hek thui duh thin a,
hetah hian hrechiang le phoi chuan chuta tang chuan kan
state budget atang hian hetah hian tih laia contract hunlai
a pawisa bat te pawh kha rulh a tam lutuk a, Central bat
a ni a, khami kha an subject a kan awmlai ti mai ila Home
Ministry hnusia kan awmlai a nih evangin chuvangin khami
ah khan rulh palh te pawh a awm a ni ang a, chuvangin
hetah hianin State budget atangan rulh do hram hram ila,
Central hnemah sawi chhuah ni selangin hei zawng inmawh
a ni e, in kut a ni e, tih nise tichuan kan Contract pawisa
filltang zawng zawng te pawh hi a laki theih dan a awm
mag na, tiin sawi a tam em em ~~mai~~ a, sorkar thuneitute

chuan a dik pawh an hrs thei zawk ang a, chuvangin heng hi rawn enchiang selang, tichuan kan sum leh pai dinhmun pawh hi nakinah chiang leh zual a tha leh zual a kan kal theih nan tih hi finance sh pawh hian min rawn on tha in ka hria a.

Tin, thil hote pakhat hei State dangte nen a kan han en chuan hlawhah pawh lehlamah chuan kan sang viauva, mahse harsatna nasa deuh mai kan State chuan kan nei a, kan awmna a kilkhawr avangin transport te pawh a lo harsa a hei vang hian kan hlawh te pawh a tiem kan ti tlang a, a ba in capacity hi a tiem viau mai a, M.L.A hlawh te pawh kan han ti tiem leh tak na a keini ang rual tan phei chuan hei motur te pawh kan duh si a, loan kan han la a, a vaiin min han cut sak mai a, hlawh laturin min ko thleng zolo lek lek a ni, a tel lovin hming sign ringawt a ni mai a, hengte pawh hi a hlawh tiem lam ai chuan a capacity en khan a hlawn lam te hi en tha in ka hria a, tunah phei chuan kan dinhmun en hian kan hlawh te pawh India ram hmun tam takah te pawh a pung sang zel a nih avang hian kan Chief Minister hlawh te kan Minister hlawh te pawh hi kan M.L.A hlawh te pawh hi kei chu revise ngai leh tawh in ka hria a, Cheif Secretary ten Rs. 8000 vel an lak laia Chief Minister in Rs. 500 chuang lek a lak chuan corruption kha mihring chaklohma evangin a in vai chak em em mai a, hei vang hian a capacities dang zwm mahse, kan Chief Minister te, kan Minister te kan M.L.A hlawh te pawh hi budget rawn siam leh tur (Pu Vanlalngena :- Chair kan in thlak leh e) ah hian remarkable year of progress kan neih theih nan a bul atanga kan siamna atan hetah hian niin han punsak zel turin ngaihtuahna thar nena sorkarin a a lo thlir atan hei kan duh a, ka duhdan tak chuan ka ngaih dan tak chaun kann*governor* te leh sorkar hnathawk in a Rs. 8000/- an hlawh chuan kan Chief Minister te chuan Rs. 8000/- aia tiem kha an la turah ka ngai lo reng reng a ni, Chuta tanga M.L.A leh Minister dangte pawh hlawh miten. Pu Dy. Speaker, chumi ruala kan saiw duh chu hei keimahni attendant kal te pawh hi zariat emaw lek kan han la a, full time in an thawk lo thei si lova, Minister te hnena attach te pawh hi a ni lo berah pawh ~~kan~~ ~~ngaih~~ ~~gikan~~ risk kan ti sang thei lo a nih pawhin kan M.R te hlawh pangngai emaw, fourth grade hlawh ang emaw ni thei hram sela, zariat te hi zawng nupui fanau te chawm an ni ve a, heng hi a ~~tha~~ lawm ni tiin thil tenau si ah chuan heng hi kalpui awm tak niin ka hria a, chuvangin sawitur ~~te~~ ~~thite~~ mahselangin Pu Dy. Speaker ka hun aia rei mah min pek avangin, ka lawm e.

PU F.MANGHNUNA :
address

Pu Dy. Speaker, Kei nimina Governor address ah khan lawmthu sawi tur ka nei ve a, India ram ina Central sorkar chelh tute National Front sorkar khu ka hma tena an sawi ang khin

khan Setana Bill pass tute an awm nual niin hlauhthawnna te pawh kan lo nei thin a. Amaherawhchu, Congress sorkar thiltih tha tak tak mai te, heng em hi chu kan pah chuan a fel lo ang a, Schedule Caste leh Schedule Tribe te, Anglo Indian hote hi hetiang anga kan lo dan buai chuan Congress sorkar in hetiang ang takin an lo humhalh tawh si a, kan ti fuhlo ang a tih an lo hria a, hetiang anga extention an lo phal leh reservation an lo phal ve leh Mi an fing hle in ka hria a, lawmawm pawh ka ti a, an hnenah lawmthu la su sawi ve hial tlak ni in ka hria a, Governor in a nimina address-ah Scheduled Castes-te leh Scheduled Tribes-te, hnam hnufu alzualte, chang kan ve theihna tur kawng India ramah kum 10 dang extention hetianga a lo awm hi lawmawm ka ti tak zet a ni.

Tin, chutih rual ruwl chuan Mizoram ah pawh hian Scheduled Tribes rau rau zingah kan Opposition Leader khan, Tribal zingah pawh bal leh zual kan awm ang tih ka hlau a ti a. Kei hi Tzibbal zingah pawh bal leh zual area atanga lo kal ka ni a. Mizoram U.T a lo nih khaan in, Scheduled area t~~a~~ a decleared kan niin Chhimtuipui chu Autonomous District Council Area chu kan awm a. Chutah chuan khawngaih chunga khawngaih leh chhawnna dawngtute kan ni a. Congress sorkar hmasa khan U.T sorkar 1972 atanga 1976-ah khan in sawlai Chhimtuipui Scheduled Tribes, Scheduled area atanga lo kalte chu hemi State sorkar-ah pawh hian reservation min siam sak a. M.C.S-ah te leh Non-Gazetted Officers, A.O (Non-Gezetted) an tih ahte, mi tamtak min dah luh sak tawh a ni. Chung kawngah pawh ch~~an~~ State sorkar chungah pawh hian lawmthu ka sawi a, chutiang ang tak chuan tunah hiam Scheduled Tribes changtlun-na tur leh, rual kan banna tur atana Bill lo awm rual hian kan State sorkar chungah pawh hia~~m~~ lawmthu ka sawi rual in, hetiang thil pawh hi hmania thil la awm tawh kha, chhunzawm zel theih nisela tih ka rawn ngen duh nghal b~~wk~~ a. Tin, ch~~h~~tiangin kan Officers tam takte pawh State sorkar ah kan District Council Staff, kan Officer liante pawh, engtinne an lo luh ~~ka~~ theih ang tihin kan sorkar in a ngaihtuh mek a. Chung kawngahte pawh chuan lawmthu ka sawi a. Kan Governor in a he Scheduled Castes leh Scheduled Tribes te tan changtlunna tur kum 10 extention a rawn sawina-ah hian, keini Mizoram pawh in a nihna ang taka, Central atanga Etat~~a~~ ah, State atanga kilkhawr ber thleng pawh a kan chan tur ang taka kan chan theihna turin, he bill zahawmtak leh bill tha tak mai Parliament-ah an lo passed tawh hi, keini Mizoramah pawh kan lo hman ve a, a nihna ang taka kan lo chanve chhoh hi, ka beisei em em a, chu chu ka han ngen nghal bawk a ni. Ka lawm e....

DY. SPEAKER : Minute nga a la awm a, thusawi a laklawh viau mai a, engtinne kan ~~thi~~ ang, kan ti tlang zel ang nge, da~~f~~ I (khat)khi chawl~~h~~ a a ni a, kan chawl phawt a nga, dar 2 (hnih) ah kan ~~tan~~ ang. Member ten engnge kan ngaih dan engnge? zawh tlang law~~l~~ law a chhun chawl lova tih kan duh nge ni a, kan chawl phawt ~~dawn~~. House hi a lal ber a, hetah kan rel hi a ni mai kan programme chu (member ten an lo sawi ve a) A nih vote kan le dawn em ni? A nih Pu Zosiama atang em a, dar 2-ah in hmukhawm leh ang u

2:00 P.M.

Dy. SPEAKER :

Kan chhunzawm nghal zel ang a,
tunge sawi dub Pu Zosiama Pachuau.

PU ZOSIAMA PACHUAU : Pu Dy. Speaker, kan Governor address
hi a tawi tek tawk hle a, amaherawh-
chu, duhsakna thil Central sorkarin
tlang mite hnam hnufualte duhsakna
thil chanchin tha vawiin-ni a noti-
fied a ngaih avanga thusawi pawh a tawi deuh e ti a,
Amaherawhchu, a tawi vak lo in ka hria a, tamtak a sei a,
hetiang ang a Central sorkarin a tumna hi a dawmkan tuma
te hian min dawn kan tum dan a hi kan ngaihtuah chian a
tul hle in ka hria a, chuti anih loh chuan chanchinth
mitin tan puan chhuahin a awm a, ka awih chuang lova, sual
pangngai in an sual a, miin hman nawmsakna tur leh anthih
hnu pawh a chatuan nunna an neih theihna tur chanchin tha
Pathian min pek hnu pawh a, suahsualna kawng kan zawh mek
ang tho hi a ni thei dawn a ni, tih te min ngaihtuah chhu-
ah tir a. Hetianga duhsak leh vohbik ang a kan awm hi,
nimin lamah kan hotute pawhin thenkhat tan chuan an
ngaihtuah awm lo a ni. An ngaihtuah loh thu pawh an sawi
a, sawi mai pawh duhtawk lo vin buaina an siam a ni, tihte
pawh kan hria a. Chutiang taka min duhsakna chu kan hman
dik a tul hle mai. Sum chungchangah hian a bik takin
Mizoram mipuite hi duhsak kan hlawh hle a, kan phutawk
aia chung hret kum tin Central atangin chanvo kan nei
ziah a. Tun kum kan hman mekah pawh hian vaibelchhe za leh
pahnih plan ringawt ah pawh kan nei a ni, kha kha March
ni 31-ah kan passed tawh a, khami kan passed a kha, kan
passed ni-ah kan House Leader in a sawi, Opposition member
ka nih chung pawh a lawmawm ka tih em em chu a in increase
dan hi 20% a ni a, a ropui hle a ni, kan Ministry pawh
an fak-awm a, a ropui hle a ni. Kan Ministry pawh an fak-
awm a, Central sorkar pawh an fakawm. Amaherawhchu,
vawiinni-ah hian thlir letna kan neih hlek chang hian khai
khemb ni a kan passed tak vaibelchhe za pahnih a kha, a
der em maw ni ta chu aw!!! kan neih loh kan lo passed
emawni chu aw!! tih min ngaihtuah chhuah tir fo va. A
chhan chu in ah kan amw emaw, khawlai-ah kan ieng emaw,
thingtlangah kan zin emaw, mitam takin an sawi ber chu
pawisa avang tih a ni. Kan budget hi March 31 hma hian
kan hmang zo thak tur a ni lawi si a. Eng nga tinge pi le
budget kan passed ni khan kan ram mipuite hi kan bum emui?
kan bum lova kan passed a kha a tak tak a pih chuan khawi-
ah nge an awm zawh tak tih a kha vawiinni ah hian sawifiah
tul hle in ka hria, kan mamawh ni a an hriat, kan mamawh
anga hman tur min pek kha engngatinge vawiinni ah hian
sawifiah tul hle in ka hria, kan mamawh ni a an hriat, kan
mamawh anga hman tur min pek kha engngatinge vawiinni-ah hian
tlachham ang a kan in sawi tlachham anga kan in hmuh? State
dang dangah han kal ila State changkang lo ve tak tak ang
a kan ngaih kan rin hi kan aiin san sang vek tawh mai a.
Agriculture-ah ti ila product an nei tha em em tawh a.
Naga ramte, khasi ramte an leilung a tha zawk kan ti a,
Manipur ram pawh an leilung a tha kan ti hawk a, Amaherawh-
chu, an thawhchhuah kumtina pung ve meuh em? lehl-mah buhfai

harsatin a ruling party nih hrehawm khawpin 'Engngatinge' kan in ti leh a, Agriculture a kan pawisa te hi engatinge kan hman ? a hmangtu turté hi kan dik lo nge ni a, a petu kan diklo tih hi ngaihtuah tham tek a awmin ka hria. Chutiang zelin Soil Conservation ah pawh a vaibelchhe tel kan nei a, kan ram hi conservation ah hian kan thawk tha em ? Engnge tunhma aia kan leilung kan conserve thatna, kan senso nen tihte ngaihtuah a tul a ni. Forest-ah pawh vaibelchhe sawm dawn lai kumtin kan hmeng a, kan ram hi a chereu tulh **tulh** mai thung a ni, a ventu tur a kan lakte hian an veng him zo lo nge ? kan phun belh leh ngkal, kan phun belh a te pawh hi an lo tha meuh lo em ni ? tunah hian kan ram a chereu tawlh tawlha, kan pawisa hman a tam tawlh tawlha ang lewi si hi engngatinge ni ? Vety Department te p pawhin a vaibelchhe tel a lawm kan hman, tunge tunhma aia ran ngah ta awm ? Ar hi tunhma aiin kan ngah ta em ? Vawk kan ngah ta em ? Bawng kan ngah ta em ? A vulhtute hian eng hmasawnna nge an neih ? Engngatinge Burma ram leh Assam ram etanga ran heti zozai kan lak luh ? Kan lakluh theihloh ni chu kan nghei ni an Mai a, hengte hi ngaihtuah tham awm in ka hria a, Champhai a kel thin te chuan (engtik ni ah pawh kal rawh u) Bawng kai in tawk eng Silchar lam etanga Truck lo chho reng teng in thlai hring leh Ar, Artui an rawn phur ang, Engngatinge ? Khawiahnge ? kan pawisa kha a awm zewh tak? **Enga tan:ngakan hman ? Rs.102,00,000/-** (Vaibelchhe za leh pahnih) kha khawiahnge a awm ? Thingtlangah inhlewhfakna kumtin vawi enggemaw zat kan **siam** sak thin a, khangte kha khawiahnge a awm tak ? Tin, inhlewhfak nana M.R.S. kan sanc-
tion te powh hi engtinngé hman a nih ? Ruling Party inhlewhfak nan kan hmang ta mai em ni nge ni a kan hotute zin ran talhna tur hi sorkar pawisa atengin Meet zel a ngci a, chuta ten chuan a tawk awm kan pe mai ? Pawisa a veng kan ti a, sorkar hian a hmang seng lo emawni Department thenkhat te phei chuan chawhma lama member thenkhat ten an lo sewilen tawh ang khan mimel hnenah te a nueih tel an lo puk tir thei a, a puk tirtute hian tu phalna in nge an puk tir ? (a pung an duh maw le) kan administration hi enhian a ngai khapp mai. Keimahni kan inhmuhdan ang lo deuh hian miin min hmu ani awm a sin !! Hmanah kan thian pekhatin a sawi a, kan thenawmpa chu piangthar hle in a in sawi a, mahselangin + testimony a sawi hi chu kan awi lo, ka thenawmpa in sawi sels a awm tawkin kan hria a ti a. Kan inhmuhdan hian miin min hmu em ? Kan sorkar hian tan a lak a ngai tak zet a, kan Governor Address a "1990 will be a year of remarkable progress for our State " han tih hi saptawng satlih mai ani lova, a lawmawm a ni, thil ther sur awm tursh hian beiseina a neih loh theihloh a ni. Kan hun kal ta vawiin ni thleng a kan hmanah hi chuan lawmna tur a awm bawk nain, min tilungngai a tam em mai. Dik tak chuan chutiang anga kan development a tuan that eveng chuan mipui pawh hi kan beidawng tek meuh a ni. Kan beidawng tak meuh a mi. Amaherawhchu, beidawnna karah chuan beiseina a lo awm leh thin a, chu chu kan hrugaitute leh Pathian khawngaihnaa zarah pawh ani thei. Miin thil an tisual thei, kan tisual thei, amaherawhchu, kan tisual theihngihlh lova kan tisual te kha engahmoh ngai lo mai lova, kan tisual ani. Kan hre reng a ni tik

hria a, hmalam panna tura kawng rhar kan dap duh chuan Pathian in min siam dan hi thiltha zawk tiin min siam a, zir tur pawhin nunna leh taksa hriselna min pe a ni. Chutiang ang anihna ah chuan kan kal tawh danah 1989 kha chu a year of remarkable progress anilo chiang a ni tih hi kan hriat nawn a thain ka hria. 1990 erawhchu a year of remarkable progress for our state a ni dawn a ni tih beiseina nen kan nghak dingdihlipin kan thlir a ni. Heti lai hian keimahni kan in en a ngai em em a, hei a sewina hmun tak pawh a niin ka hre ve tlat a, Aizawl leh a chheh velah te Zoram hmun hrang hrangah piantharna nasa tek a lo chhuak a, EL-BETHEL kan ti a, hei hi lawmawm ka ti tlat a ni. A chhan pahnih a awm chu chu Pu Dy. Speaker han sawi lan lawk ka duh, pakhatnaah chuan hetiang ang a kan rama lungngaihna leh mangangna, beidawnna a awm tawh hnueh hian khawinge kan tlanchhiat ang a, khawinge kan tlen luh ang tih kan zawn mek laia hetiang ang huna rilru leh ngaihtuah na hah tak min chhawk thei tu tur hmun an lo siam hi Pathian in Mizoram tana a siam nih ka ring tlat ani. Mipui mangan ten thlamuanna leh hlimna an hmuhtawk loh laia beidawnna pindana an awm laia a piaha ram nuam leh hmun nuam zawk, hmun thlamuanawm siamsaka an awm hi a lawmawm ka ti. A dang lehah chuan a mimalin tunge ka hre lo ken ram hruaitute leh an hruaia te hian kan kai dana hi hlimna leh thlamuanna kswng a ni lo a ni. Kan sum hmandan te leh kan khawsazia kan thenawm khawveng kan en dana te hi Kristian nun diktak kan hnam nun Mizo nun diktak ani love hetah chuan ka hlim mawlh lo, a aia hlimna chu EL-BETHEL-ah a awm a hi tih hriatchhuah hun a lo awm takah chuan a vanneih thlak tak meuhin ka hria a, chuvangin tun kumtharah hi chuan kan Sorkar hian hmathar nunthar, danthar lain khawngaihtakin Pu Dy. Speaker minute khat chauh, a bul tan tha ile. Hlem-hletna hi kan bansen mai thei loveng, mahse i ti tlem dawn teh ang. Tichuan ka thenawmpa a hlim ang a, kan khaw thenawmte an hlim ang, keini pawh kan hlim ang a, kan chhungkua ringawt kan hlim hian thenawmte an lo lungngai si a, keini pawh kan hlim zawn thei ta lo a nih hil le, tih hi kan hriat tha in ka hria a, a tawpna berah chuan Central Sawkarin hnam mawl te te, hnam changkang lo tek tak, nun dawmkan a tumna leh min hnueh kai theihna tura kawngjngil taka pen chungin a kawng thianghlim zawk leh zawk a kawng him zawk zawng in min kai hruai tawh sela, tichuan min duhsakna chu tih hlewhtlinin a awm ang a. Chuti nilova kan in hnueh bawrh bawrh a, kan hriat dan leh kan ngaihdan tha bera kan ngai fo anih chuan khuarkhurumah kan inhnuklut ang tih hi ka hlauthawng hlel lo ani tih hi kan sawi duh a ni e, Pu Deputy Speaker ka lawm e.

DY. SPEAKER : Tunge sawi duh, khaikhawm tir tawh
mai ang aw. Chief Minister i ko vang.

PU LAL THANHAWLA
CHIEF MINISTER

Pu Deputy Speaker, Governor
address a bik takin Constitution
62nd Amendment Bill,
1989 chungchang vawiinah

hian : kan sawiho a ni a. Nichina kan sawi tawh ang khan nimin lamah khan lungual takin Constitution 62nd Amendment Bill, 1989 chungchang a kan pawm ve na ratification resolution kha lungual takin kan pawm a, a lawmawm hle a. Tin, vawiina kan sawiho naah pawh hian member tin ten khawi lam atang pawhin thahnem ngaihna atangin thu an sawi ni berin a lang a, a lawmawm hle a ni. Ngaihthlak a nuam hle a ni. Kei, inthlan a kan sawrkar loh kan tlak apiang hian a sawrkar neitute hnenah lawmthu hrilh a theih pa tawp a ram leh hnam tana tan ho kan in huam zia duhsakna hlan thei turin Pathian kan chungah khawngaihna a lantir thin a. Keini kan han nih ve hian chutiang chu ziakin emaw tawngkain kan dawng ngai lem lova. Nimahselangin kan theih ang tawk tawkin kan kal a, Pathian kaihruaina kan dawng thin a. Vawiin nia member te ho atang erawh chuan a pawng a puia sawiselna lam ai mah mahin chutiang lampang hawi thelh thelh a thahnem ngaihna rilru te a lo ri chhuak a, a lawmawm ka ti hle a ni.

Vanva bialtu zahawm tak Pu Romawia khan a rawn sawina hmasa berah khan thu duhawm takin puitling takin a rawn sawi a, lawmawm ka ti a. Amaherawhchu hlcih neih taka in transfer leh posting vel awm ni ang a a rawn sawi kha pawi ka ti a. Kan hriat phak ang angah chuan tiang kha awm tir loh hram hram kan tum a. Chuvangin engemaw mass posting and transfer emaw te kan han ngaih-tuah pawh hian principle nei deuh pawhin tih kan chak avangin a zawng :aza chuan kan fel famkim ka ti a ni miah lova, tlin lohna tam tak kan nei a, in mit tlinglo tam tak a awm ang. Amaherawhchu chutiang chuan kan tum hram hram a, chungte avang chuan kan discussion leh tengtinnge ni ang tunge chutiang khatiangah chuan fit ang tih a kan in ngaihtuahnaah pawh hian official te an fel zel a ni. Chutiang chuan theihpa tawpa kan tum laiin tlem a a hnuai lampangah te ka tawng tu huatthu ~~xxxx~~ suhah chutiang fellote a lo awm a nih chuan chungte chu kei pawi ka ti a. Tin, kan hnenah emaw concern Minister te hnenah thlen a nih phei chuan chutianga diklo taka in-sawisakna a awm a nih chuan chung chu tihdik zel kan in peih a, kan duh a, chungte tak avang chuan member tin te tanpuina hi kan mamawh a.

Tin, member chauh pawh ni lovin mipuite tanpuina kan mamawh a, tin, chumai chu ni lovin kawng tha kawng dik kan hriat theihna turin chungte chu tih hmuh duhna rilru kan thinlungah a awm theihna turin Kohhran mi te tawngtaina pawh kan dil thin a ni. Chuvangin hetiang thil diklo te lutuk a awm a nih chuan chung chu tih dik theih chin chinah chuan tihdik kan duh a. Chungah chuan tanpuina kan ma mawh hle a ni. Member zahawm tak Sateek bialtu khan kum 40 chhung hetiang duh sak hi a lo awm tawh a, chutichung pawh a vawiinni thlenga pawh sei a la ngai zel a, leh keini duhsak ngai te hetiang leh dinhmun a kan ding hi a pawi hle a, he

Governor thusawi hian sawrkar hmasa te kha Central-ah pawh an lo tlin loh zia a tilang hle a ni, a rawn tih kha helai thil kalphung hi a hre lo hrim hrim nge, a hre lo der nge, thahnem ngaihna atangin a rawn sawi chhuak ka hre thiem hlei thei lova. India ramah hian scheduled caste leh scheduled tribe leh other backward classes hi hmun thum a then a hmun khit aia tam 40% emaw 45% deuh thaw kan awm a ni, India ram pum puish.

Chuvangin kan problem chu a in ang lo em em a, social problem khirhkhan tak tak nei te, tin, development problem te, chutiang chu a awm a. India laia Madhya Pradesh, U.P leh khung Bihar leh hmun dang dangah te pawh tun thleng khuan a development lampanga than chhoh chu sawi loh, anni hi tawh thiang lo an ni tih ang ringawt untouchability ringawt te pawh khu nasa takin hmun tam takah an la buaipui a. Tin, chutiang zelin tu ten emaw an khawih tawh tui in thiang lo khawpin tuichhunchhuah an lo chawi ve chu a tui-chhunchhuah an tih ro leh hma chu an in thiang lo khawpin chutiang zingah chuan heng hi thawh a ngai a. Khung te pawh khu tun hnu kum 20 ah te pawh hian an tirci ang em, tih ngaihtuah tham a ni a. Chung chu hetah hian a leng chho vek a, chungte avang chuan an sawi kalphungah khan India ram hmun danga awm hrim hrim chungchang te hi an la chhiar ngai lo nge, a hre lo hrim hrim nge, a hre lo der nge tih pawh ngaihtuah thiam a har a. Chuvangin a rawn dem dan tlangpui a rawn dem dana kha a tlangpuiin pawm chi a ni lovin ka hria a. Tin, kei ni ram bikah pawh kan sawi fo tawh angin kan tlangval huaisen ten Independence rualin kan ram maichamah an nunna an thisen an dahkham a. Hrehewm tinreng an tuər a, chumi karah chuan mipuiten namen lovin harsatna kan tawk a, hlau leh khur chungin in leh lo channa thisen in chhuahna a chang phei chuan Mizo leh Mizo thisen inchhuahna tura invehna chutiang karah chuan leh sipai-te leh kan tlangval huaisen te invehna karah mipuite kum 20 tal tap kan awm a ni. Chungte evang chuan hmun tam takah chuan development pawh a ngaihtuah thleih theih lo va, engtinngé kan nun ang, engtinngé ken him ang tih a ngaihtuah reng reng a thlabar a awm te a ngai thin a. Chung karah chuan development a kal cak thei lovang tih hi tute tan pawh hriatsa a ni a. Chuvangin sawrkar lo awm tawh te demna ni lovin, chutiang boruak chu a awm a ni tih hi Mizo zawng zawngin kan hai lova. Chung karah chuan khawkhawm te a lo awm a, chem lovin kan hnam ~~iu~~ khawkhawmna evangin min lak sak a, chung atang chuan vawiin ni thleng pawhin tal chhuak turin kan la bei tlang a nih hi. Chuvangin sawrkar hmasa Central an ni emaw, helai ami emaw pawng dem mai thei an ni lova. Kan ram boruak awmdan kan hria a ni. Vawiinah Pathian khawngaihnain a lo reh ta a, tan kan la thang thei dawn chauh a ni tih hi tute pawhin a kan hriat a ni a. Chuvangin khalai bawrah kha chuan kan in mawhchhiatna tur chi niin a lang lo a ni.

Tin. Opposition Deputy Leader zahawm takin thil tha tam tak a rawn sawi a, a lawmawm hle a. Hemi reservation chungchangah phei chuān 100 -ah 100 reserve ni se tih te kha chu kan pawmsa thlap niin ka ring a. A rualin kan la bei tiang ang a, amaherawhchu Setana Bill rawn tih kha Congress tihchhuah ani an ti anih pawhin a rawn tichhuaktu hmasa chu Arunachal-ah Phungbana Chief Minister a nih lain a ni a. Chutih lai chuan P.K.Phungbana hi Janata a ni. Tin, Janata sawrkar hnu kha a ni bawk a. Amaherawhchu heng hi in-phumawh nan thil tul leh tangkai a ni hrarpa lova, a hun leh ni leh mihringa te kan hre sual anih takin tih thuah kan sawichhuak mai a ni.

Tin, Minister ten code of conduct neih a tul tih ang reng chi a kha kei tul ka ti a, tunlai hian kan dan lo neihsa ka thiam ang tawk tawkin ka study ve mek a, khatiang khan mipuite leh sawrkar hnathawk te tana example set tu tur anga in ngai te hian kan set ngam chuan a Minister chauh pawh ni lovin MLA leh Public Leader pawimawh zawng zawng ten he ramah hian thil a tha zawngin thui takin kan her thei ang ~~sik~~ tih ka ring a.

Tin, mi hausa in a ram duh tawk tawk neih te henghi vawiinni atangin khunkhan deuh a kan ngaihtuah loh chuan nakinah chuan mirethei ten he ramah hian chanvo kan la nei ve lovang tih a hlauhawm a ni. Chungte avang chuan kan land tenure system te, kan customary lam hrim hrim te leh thildang dangte khami a in kaihluai ho chi a kha ennawn a ngai a, en that mek a ni bawk a. Khatiang rawtna tha tak tak a kha sawrkar tan pawh a bengvar thlak a, chuvangin a tha thei ang berin kan la han ngaihtuah tiang ang a. Rangva sem hi an sawi thin a, hei hi inthlan hmaa kan party programme kan ziahchhuah te zing ami a ni a. Tin, a sem dan diklo a awm anih chuan pawi kan ti a, tin, tunah hian kan ram mipuite tam ber hi khawngaihna thilthlawnpek pawh dawng hlei thei lova, rilru kawi tam tak kan awm a. Hetiang han dawng tam tak hi tunah hian lo hralhrute sawkarin condition a siam te ang a ti lo te tam tak an awm a. Chung chu Mass Police Case Register te Police in an veh mek te, hetianga sawrkar in a an chungah dan lekkawh tur engemaw zat an awm reng a ni.

Tin, a thlan chung changah te pawh sawrkar hnathawkte an tel a, an tel chauh pawh a ni lova, an kut ami a ni a, bawk hrang hrang te, amaherawhchu chutah chuan diklo a awm thei a. Tin, political influence te pawh a awm thei a, chungah chuan a tha famkim e kan ti miah lo. Amaherawhchu hei hi Mizo~~zawng~~ zawng huap tura kan tih a mamawh zawng zawng huap tura kan tih a ni a. Tin, a phu hliah hliah hmu hmasa se kan tih pawhin dik takin thil a fel famkim thei lova. A mamawh nep deuh te, chuhhelh deuh te an lo awm thin a. Tin, sawrkar hnathawk lo dawn talh tum leh lo dawng ve mek te pawh ~~an~~ awm a. Chutiang chuan duh angin a fel thei lova, tihfel tumin theihpatawp kan chhuah mek zel a. Tih, ka sawi tak ang khan police case te siamin man tur te, chawitir tur te, hrem hmabak te an awm a ni. Khawngaihna thil thlawnpek pawh dawng hlei thei lova, rilru kawi kan tam hi a pawi

kan ti ngawih ngawih a, chungte avang chuan nikum chhung zawng khen keimahni zingah pawh Mizoram mipuiah pawh Pathian tihna leh Pathian hlauhna kan tlakchham avanga kan kalkawi thui tawh zia leh a hminga mipui rawngbawl tura awm te tan pawh rorel dik te, thil tih dik te a harsat tawh zia keinin he hnam hi Pathian tihna Kawngah intlansiak leh nachang kan hriat theihna turin thufingte ami bung 22 ami "Inngaihtlawmna leh Lalpa tih man chu sum te, chawimawina te, nunna te a ni tih kha chang thlanah i nei teh ang kan ti nghe nghe a. Kan kalna apianga chutiang zawnga kan kal theihna chuan keimahniin kan thlin kan ti lo, rinna lamah tlinglo ber ka ni, ka thawhpuite pawh chutiang chu niin ka hria a. Khawvel thiamna leh finnaah pawh kan tling lo, amaherawhchu chu thu nung chu kan hnam thinlungah hian a in tuh a, chutiang zawnga intlansiakna tha kan hriat ~~xxix~~ theihna turin chang thlanah i nei ang kan ti a ni.

Keimahni mipuite zingah keimahni chhungkua pawh chutiang chuan theihpatawpin kan bei a, mahse langin chti chungin diklo tam tak a awm a, Opposition Deputy Leader zahawm takin Kolasib chungchang a rawn sawi te kha kan hria a, Police sawi te kha kan hria a, Police case register mek a ni. Sawrkar thil, sawrkar ta mimalin an kut zal a an lo khawih ngawt kha a thiang lo va, chuvangin Police case register mek a ni a, an thil lak te pawh kha laksak leh mek an ni a. Chutiang chuanin a diklo kan hriat ang ang tihdik tumin kan bei chho mek zel a. Kan hriatloh te pawh tihdik a nih theihna turin min tanpui turin kan sawa duh che u a ni.

Tin, sawrkar sum puk hi thil thar a ni hranpa in a lang chuang lova, U.T. tir atang, pawh khan a lo awm tawh a ni. Chunglai chuan a volume a la te deuh a ni thei e, sangli, sangnja, sangruk emaw a lo ni ang. Hun a lo rei deuh a, sing tel a lo ni a, a lo rei chho leh deuh va a nuai tel, tunah hian a crore tel a lo ni ta a. Vawiinnia surprise checking kan han tih a kan hmuh chhuah zawng zawng hi tun kumkhat chhung ami mai a ni lova. Kum thum, kum li, kum nga, kum sarih atanya lo inkawhl chho tawh te kha an ni nual hlawm a ni a tam ber hi chu. Tin, hetiang thil hi a awm thin a ni tih kan hria a, chumi hmain ~~kan~~ fiscal policy hrim hrim a hi India ramah kan zavaia kan hriat tur chu India ram a State pachhe ber sum lakluhnai nei chau ber kan ni. Kuminah pawh hian kan target pawh 12 crores a niin tunch hian 3 crores pawh kan la lut lo a ni. Theihpatawp kan chhuah chungin tichuan India ~~ramah~~ State pachhe ber kan ni a, chuti chungin India rama sawrkar hnathawk ngah ber State pali zingah kan tel a ni. Tin, chutiang lamah chuan kan sawrkar hnathawkte hi hlawn tha ber an ni bawk a ni. Chumi field factors pathum atang ngawt pawh chuan kan dinhmun hi a zahthlak hle a ni. Kan awmdan hi a zahthlak hle a ni. Chuvang chuan insiam that tumin theihpatawp kan chhuah ve a, sum leh pai hmandan chungchang pawh nasa takin kan strict a, thlahnih thlathum danah circular kan chhuah a, sawrkar pawisa ren dan tur te, sum leh pai thil dang deng ren dan tur te, sawrkar Motor leh petrel ren dan tur lamen tiang chuan scripture kan chhuah a.

Sorkar pawisa pisa a kawl dij lohte
thleng pawhin a ti dik lo chuan ti
dik turin dan awmsa a awm a, chung lo
hmang lo te chu hmangtan turin Order
te pawh kan chhuah a ni. Chuti chung

in ti tha duh lo tam tak an awm tih kan hria a ni. Chuvangin
hun thui tak thla 8 vel kan pek tawh hnuin insiam that tum lo
te kha dan lek pawhin siam that an ngai a ni tin surprise check
kan han pe a, hmun tam takah chuan dik lo takin pawn lam mite
an lo puktir a. An mahni inkar ah an lo in puk tir a, then
khatin a pung umin Bank ah an lo dah a. Chutiang chuan thil
dik lo tam tak kan hmu chhuak reng a ni. Hemi hi ti thei tur.
din hmun a kan han ding te hilawmawm kan ti a. Mite hrem tunna
emaw zawng nilovin, he ram rethei tak sum diklo tak a kal
mai mai veng thei tura hetiang a kan ti hi lawm awm kan ti a.
Tichuan tunah hian department hrangah kan kal chho mek a ni.
Chutiang chuan t-hil diklo tam tak, hmu chhuah a ni a. Vawihin
niah hian mipakhat hming an sawi lar bik a nih chuan pawi kan
ti a. Maherawh chu lar bik lo thei lo an awm a nih chuan,
chu chu lar bik lo thei lo nachhan an awm a ni te pawh a ni
ang a. Sum lo puk tam deuh bik leh department hrang hrang a
thei fal bik te an awm a bih chuan, chung chu an sawi lar bik
a nih pawhin, a awm lo hranpa lo ani. Chutiang ti dik lo tute
chu ka sawi tak ang khan heng ti diklo tute hrem ringawt hi
sawrkarin a tum hranpa lova, heram pachhe tak thawhchhuah pawh
nei lo India Central, Sorkar in a chawm hlawm hian, chutiang a
sum tihrial mai mai chu a effort lo a nih chuan chung sumte
chu lak let leh kan duh a ni. Tichuan kan hmu let leh theih
nan hun kan pe a. A then chuan engemaw zat an dah let leh thei
a, a then chuan an dah kim leh barh thei a. Nimahsela chutiang
chung pawh a ngaihsak reng reng lo an la awm ta ani. Chuvangin
Sorkarin indefinite takin a nghak thei lo a nih pawhin leh a
tumte tan chuan dah khah na hunte tawk fang kan pek tawh
avangin dan a lek kawh loh theih lova, chungte avang chuan
mi tam tak man leh suspend an ni tawh a, vawihin niah an
hming heliaih ka sawi kher a tul hranpa lova, department khat
atang ringawt pawh a pali/panga man leh suspend te an awm
nual a ni. Tin, hei ai tam hi a la awm zel dawn bawk a ni.
Sawrkarah chuan chak takin thil a kal puat puat thei lova.
Heliaih tuemaw tual that lai ngei pawh va hmu sela, a Case
Register chhungte F.I. an tih chhungte kha tiang khan hun rei
tak a duh a. Chutah Government Sanction a hranpa in a lo ngai
leh a, chungte avang chuan, layman kan nihna anga kan han
hriat phak tawk akan duh ang pawhin a tih chak theih lohva.
Engengemaw technical difficulty te pawh a lo awm thin a, mahse
chuti chungin tunah hian a tul ang ang chu tih chhoh mek zel
a ni a. Tin, ka sawi tak ang khan mi tam tak man leh suspend
an ni tawh a, thubuai siamsak an ni tawh bawk a ni. Hengte hi
chanchin dangte anga Sorkarin Press Released a tih chhuah ur
ur chi a ni hranpa lova chuvang chuan a tlangthang vak lo a
niang. Maherawh chu tunah hian tha hnem tawk tak chu man leh
suspend a thubuai siamsak pawh an ni mek zel a ni. Mi nuai
sawmhnih, nuai sawmthum, sawmli lo paipawn tawhte, khangte tan
khan kum 2/3 tan mai chu thil hrehawm tak a nih hranpa hmel
lova, a sum an neih tawn tlat awangin. Nimahsela, chuti ringat
chuan Sorkar tan hlawkna engmah a awm lova, chuvangin sorkarin

a mihring a hrem mai nilovin a sum botur mipui chanai sorkarin development atan leh thil hrang hrang a hman tang kai tur a lo pelhe ta a kha zuk hmuh belh zawk a nih avangin chungte chu recover leh a nih theihna turin Civil Case te pawh siam sak a, an property neih ang angte attatch theih dan pawh dap mek zel a ni. Chutiang kan thawhchhuah na kawngah chuan keimahni chhung zingah chhung khat laina kan lo nei palh hlauh a nih pawhin tuman in sawisak loh tur, tu man in sawipui loh tur kan in ti a, tumah kan in sawipui lo reng a ni. Chutiang chu kan tan lak dan a ni a, chuvangin helai member zahawm takte pawhin min hriatpui a, chutiang kawngah chuan tha zawk a kan kal a, he ram leh hnamah hian Public life thiaghlim zawk a kan awm theihna turin in mi fin chhuah leh in mi tanpuina kan mamawh cho zel dawn a ni.

Tin, khawlai ti ti mai mai te he House ah hian member zahawm tak tak ten kan sawi ve loh thain ka hria, chumi kha miah pawisa an hman avangin pawisa a vang a ni tih te hi thil theih loh a ni tih hre tute in ni. Kan budget kha in en chuan developing department tinah khan New Land use Policy tan tih te mipui tan programme kan neih te tan a hman turin a awm thliah thliah vek a ni. Khang a mi lo kha chu pawisa a hman mai mai theih loh tih hi mipangai chin chuan kan hria, in hria a. Tin, pawisa hi tun hma ai a avang deuh a nih pawhin vang lo thei a ni lo. Kan strict nasa tawh a tunhma anga vak chum chum kha a awm thei tawh lova, lo lam tak a tu tenemaw thawhloh Bill an lakrang mai mai chite, kha tiang zawng zawng kha kan ti bo tawh, tih bo kan tuma chutiang tur chuan kan bei a ni. Chuvang chuan a lenglam mai mai tur, kan Society leh Kohhran nun thleng a min ti chhe thei tur kha tiang a leng nuai nuai thin kha um bo kan tum reng a ni. Mihring siam that nan khawdur a ngai tih'aini a chungte avang a he hnamin harsatna a lo tawk a nih chuan nakin a kan la lawmnai tur a niang tih kan ring tlat a, chumi beiseina nung nen chuan kan thawk a ni. P.W.D. Contractor nih chu Mizoram a mi zawng zawng hian thawh chu kan tum theuh a, Voluntary Organisation Group hrang leh Kohhran tam takin kan tum a ni, tih kan mit in kan hmu a thawh loh Bill, la tam tak an awm a ni chungte chu kan hnam ti chhe thil a ni chuvangin heng hi engtlinnge kan dik ang tihte kan ngaihtuah a, tun hma chuan, pisa te ber atandin a hmunah kal miah lovin Estimate an siam a a leilung engangme, a khamsan lam eng ang nge pawh hre reng reng lovin, measuring tape vawikhat mah pawt lovin estimate te an siam thin a, mitam takin, mi tha tak tak karah, tichuan an han thawk a, thla hnih thla thum hnuah an revised leh a 50% 100% increased a lo ngai a, tiang chuan lawilo takin pawisa tam tak an seng a, a thawh rah hmuh tur awm lovin emaw, a zaktheilo fal leh pamham deuh telan lo din chhuah phah a chu chuan development hna tam tak a ti chawrche thin a ni. Chuvangin tunah chuan a hmu a an kal a, a leilung formation an mahniin a hmunah ngei an hmu a, an pawt vek a tih an certify loh phei chuan chutiang chu kan pawmsak tawh lo a ni. Chutiagn chuanin zawi zawiin, improve kan tum a. Department hrang hrangah pawh chutiang zelin kan kal a ni. Chuvangin hei kawng ngailipawimawh awm deuh Opposition Dy. Leader zahawm takin a rawn sawi Aizawl - Thenzawl - Lunglei road te pawh hi, sawi tak ang khau National Highway ah a lo

tel lo lak lawh tawh a, chuvangin sum kan neih leh neih loh ang ang in ngaih pawimawh hmasakah nei ang kan ti a. Tin, hna te a lo chakna turin Supervision a awm thin lo va chuvangin supervision hi uar tur a ni, tin work management te pawh hi development tam takin an ngaihtuah lova, tute emaw Officer pakhat an buai em em laiin an hnuai a mite thawh tur nei lovin an awm a. Chuvangin work management te pawh hi in. in ziraa ngai tiin kan in hrilh a, chuvangin P.W.D. te phei chuan a bik takin E.E. leh a hnuai ho hi chu field staff in ni, field supervise tu tur in ni. Chuvangin heng kawng pawimawh hmasa bik Bairabi nakum March thlaash Rel kan beisei a, mshse March thlaash chuan a lo thleng hman dawn lo ni awm tak a ni, chumi tlankhalh tur chuan kawng kan mamawh a. Chutiang kan ngaih pawimawh hmasak bik te chuan a hmunah Work Site ah in riah chilh anga hna in supervised pahin, in hnuai a mi ten thawh dikna turin in awm tur a ni kan ti a. Chutiang chuan an awm a, S.E. te pawhin thla khatah yawihnih tal'in kan thin tur a ni, kan ti a. Chutiang chuan an han thiwktan a. An mahni hlei hlei a kha a phur leh hlim hlim ah an tang tawh a. Chuting chuan kawng hrang hrangin in siam thatna hna kan thawh chuan achievement kan duh anf a nih lem loh pawhin kawng tam takah kan hmu chho mek zel a ni. Cuting chuanin kawng hrung hrangin thil diklo tun hma atang a lo awm tawhte tih dik tumin theih pa tawp kan chhush a chumi kan chuah naah chuan he lai kan Governor pawh hian active involvement of the Hon'ble Member kha a rawn beisei reng a ni. Tin chu chu kan kal dan tur pawh a ni reng a.

Tin, Ngopa bialtu zahawm tak Pu Zosiam'an a rawn sawi tam tak kha a lawmawm hle a, thil thar teh chiam ni lo mahse kan lo hriat tawh sate kan lo ngaihtuah lai mek te a ni. Kan hriat theuh angin tunhma atang a lo dik lo tawh engngemaw zat kan luh hlim khan kan sawi fo tawh kha tute mah kan va puhna nilovin, leh puh tur bik pawh an awm hrarpa lem lo pawh a ni mai thei a. Cheng vaibelchhe 65 deficit kan ni a ni. Chuni avang chuan hma thar kan la tha ngam lova. Chu chu rbi tur kan nih chuan rulh tur kan nei hrarpa lo a ni. Tin chu chu engtin nge Central Sorkarin min tih sak dawn tih tun thleng hian kan la hre lova. Amaherawh chu kan thawn hriat rukah chuan a lomawm lam pang niin a lang a. Sorkar hmasa khan a endik tur a hmun a min rawn assest sak tur committee a din a Planning Commission a Adviser Dr. Mukherji hovin member 3 nen an lo kal a, a hmun ah min rawn en saka chutah chuan engemaw chhutsual te, kan chhut thiam lohte leh kan mamawh bik chungchuang thil tam tak min rawn hmuh sak a. Tha takin chu leiba rulh nghal tur chuan min recommend a mahse chutah chuan action tak taklak a la ni nain a ret ret kan hmu hman a. Sorkar hmasaah khan, tun sorkarah hian engtinge a nih zui zel dawn kan hre lo nain Prime Minister zahawm tak, V.P. Singh-an Assam leiba chung cheng vaibelchhe sang chuan chungchang a sawina te tawngkam kan en chuan tun a keini leiba ve hi chu thil beitham tak a ni a, chuvangin min tih puitlin sak kan beisei a ni. Tin, Finance Commission Report kan hriat ruk anf ang a dik leh dik loh thu kan la hre thei lova, an la tlang zarh loh avangin, member zahawm tak Pu Zoramthanga pawh khan a rawn

sawi ri.a, U.T. kan nih atenga leiba kal chho zel rawnin chhek khawm Vaibelchhe 182 lai kha, chungte pawh chu a chhe berah za-ah sawmkua tel min rulh sak turin an recommend ni awm te in kan lo :hria a, chutiangte a nih chuan Financial position hi a chak chho hret hret in a beisei awm e. Amaherawh chu, chumi chuan lo lam tak a pawisa hman puet puet leh, pawisa tlanglawn kha a tam phah ang kan ti lo a, chu chu a tlangpuiin tunhma ang kha chuan tam buan buan tir kan tum lo a. Amaherawhchu dik tak a hman atanga veivak tur a lo awm anih chuan chu chu lawmawm ken ti. Tin, kan pawisa senso te hian khawiah pawh result a nei tur a ni tih kha kan duhdan leh kan tumdan a ni. Tin, chumi pish lamah chuan kan sawi tak ang khan leh member thenkhat ten in sawi tawh ang khan leiba tam tak tualchhung leiba Bill tang chutieng khatiang tih kha kum 5-ami tawh te kum 7-ami te kum hnih ami te tam tek an awm a ni. Hengte pawh hi sorkarah Finamcial Management leh Financial control a awm loh vang ani a. Minister zin veivakin chumi khampi hna lo pe rawh an han ti ngewt a sorkar hnathawk hrang hrang te, tin, P.W.D., Power leh P.H.E. ah te hna lo pe rawh an han ti ringawt a chutieng an han tih ah chuan mithun khan tem takin under Advantage an lo lak belh ve leh a pawisa ruahmanna awmsa ni lem lo ah khan pawisa hmanna tur tam tak a lo awm a, chu chu ~~shetah~~ a hnuailem lebel ah an lo tih char char a kha sorkar pawhin a hriatpui lo kha Vaibelchhe tam tak senna tur a lo in khawl chho va, tichuan hetah a sorkar ah a Secretary level ah chuan khawi atangin nge kan pek ang tih a en lo buai char char leh a ngai a. Chutieng pawisa hman dik lohna atanga tualchhung leiba pawh hi tem tak a awm a ni. Chungte chu tunah hian ngaihpawimawh hmawak ah nei ile, hengte avanga hma thar kan la thei dawn lo anih pawhin lak loh mai tur, hmun tin hmun tangah chuk pilh nil nial a zawhfel ~~kleihtheih~~ si loh aichuan in concentrate a, zawn a chutienga a dang a kal zel mai tur tih policy te pawh tunah hian kan ngaihtuah mek a ni. Chutieng chuan in, kawng hrang hrangin kan ngaihtuahna a kal chhova tunah hian kum khat pawh kan la tling lova. Tin, chu lo leh ah chuan member zahawm tak ten min hriat thiam pui tur chu tun hi Seven five year plan period a tawpna kum a ni. Chutieng tawpna kumah chuan hma thar, thilthar a lak vak vak theihloh tih chu in hriat tawhsa vek ani a, ruahmanna zawng zewng a tawpna kum a ni. Tin, keini lamah pehi chuan kan vanduai nge kan vanneih pawh ka hre lova, chumi kar laka sorkar te a lo in thlak vel avang pawhin kal phung in an loh hret hret ah harsatna te a lo awm ve bewk a, chung constrained eveng pawh chuan kan beiseine ang a awm lo a nih pawhin a kal phung dan tur reng a ni. Tunah hian 8th Plan Period ah kan lut chho dawn mek a, chutah chuan kan tihfuh theihna turin Planning chungchang ah pawh kan uluk hle a, tuna Dt. 23rd a Working Group nen a Plan sawi ho tur a an kal dawn pawhin ennawn leh ilia kan duh vanduai thlak tak in party danga member te an lo tel lova, pawi kan ti a, uluk takin kan zavaein en tlang ilia kan thiam ang tawk tawkah chuan hmaih pahl te awm lo se kan duli a ni. Nimek~~hse~~ngin kan duh angin member te kan kim thei ta lova chuti chungin kan theih patewp kan chhuah mek a. Amaherawh chu kan hriat sa tur chu Planning Commission ten state tin

te min hrialh tawh a, tun tumah hi chuan 5% bek increased tumah beisei lo turin min hrilh a. A maximum ah a loh theih loh State chutianga tanpui ngai zuel an nih chuan 10% te an ni mahna kan ti a. Tunah hian 8th Plan Period pumpui lek nghan vek tur a ngaih kha sorkar a lo in thlak avangin chu corkar thar chuan a broad principle pawh han siam turin hun a tep ter lutuk avangin 1990-1991 chauh min laksak nghe nghe dawn a, tunah hian, tichuan an finalised tawh ka hriat chu Pondicheerry ani. Chu chuan 10% thelh thelh increased an nei a, mahse chu pawh chu thang an la kam a Interim Plan ang deuh khan an declared sak a, a awmzia pawh ka la hre chiah lova, Chutieng chu kan dinhmun a ni. Chuvangin kan member zahewm tak ten chu chu in lo hriat lawk kan duh a, tunah hian Working Group leh kan Official ten an sawi mek a hmawr bawkna tur chu 7th Feb. hian ani dawn a. An duh ang tawk a an la in zir hman loh avangin leh an la in ngaihtuah hman lo pawh ani ang ka ring. 8th Plan Period pumpui la lovin, kum khat e mi kha an han ti hmasa phawt dawn a. Tin, chutsh pawh chuan, a sawi danah pawh khan duh ang thal a sawi lem lova an lo study tawh atanga kal phawt a, a kum leh atanga a tul ang ang a siamthat leh ngaihtuah thar an tum ni awmin vewiin niah hi chuan kan hre thei a ni. Chutieng chu thilawmdan a ni a, chuvangin kan member zahawm tak ten chu chu in lo hriat lawk ka duh a ni.

Keimi pawhin kan sawi thin a, Congress hi a kai-hruaitute a hminga mawphur tute, tleng lo tek tek rinna lam ah pawh pachhe tak tak hlir pathianin kan chungah khawngaihna nasa tak a lan tir thin a, kan tlin loh engin min chhawmdawl thin a remna leh muanna thlenna atan te pawh min hmang duh a, kan lawm a ropui kan ti a. Tin, kan Sorkar hmasak atanga rei lo teah khan kan ramdung leh vangah harhna nasatak a thleng a, Social Reforms kan han tih te pawh keinin a kan ngaihtuah thiampak piahlam ah chunglam thiltih theihna in Social Reforms nasatakin min rawn thawh puiin min rawn thawh sak a, kan lawm hle a ni. Kum inah pawh hian hei, kan sorkar atanga relo te ah Pathian thlarau thianghlimin Mizoram dung leh vang fan chhuakin mi ropui tak tak te mi tlawn zawk te zingah harh tharna changin kan awm a, a bikin thlai te zingah a thawk nasa emaw tih tur a ni. Drugs leh ruihlo thil dang tam takin kan Society leh kan Kohhranah harsatna min siam lain van thil tihtheihna in Social Reforms min rawn thawhsek leh a, kan lawm tak zet zet a, bang lovin Pathian hnennah lawm thu kan sawi a. Kohhran mipui te min tawngtaipui na avangte pawh a ni ang tih kan ring a. Khawvel tako kan ngaihtuah pawhin sorkar kan nihna ang a kan hnathawhna ah zangkhaina tam tak min siam saka kan lawm hle a ni. Chuvangin tun kan han sorkar hnu hian harh tharna chihnih kan ramah a thleng kan ti mai a. Keini chuan kan lawm hle a. Sakhua na lamah an sawi tak ang khan thlarau thianghlim in min chenchilh a vawiin ni ah House chhungah pawh mi tam takin EL+BETHEL kan sawi ri a, a lawmawm hle a ni. Ngopa bieltu zahawmtak in a sawi ang khan hengte pawh hi mipui beidawng tawhte tih harhna turin Pathianin a hun takah thlarau thianghlim tirin a mi hman duh te a rawn hmang ani ang tih kanring a, kan lawm a, lawmthu kan sawi a. Amah-erawhchu nuihza fiamthu siam nan erawhchuan kelsi House chhunga tal hi chuan hman loh mise tih pawh kan duh nghe nghe a ni.

Chutiang chuan in khawngaihna nasatak kan dawng a kon lawm tak ta a. Tin, chumi rual rual chuan hei Politics lamah pawh harhtharna a thlengte pawh hi a lawmawm in Pathian malsawmna a ni. Khua leh tui kan nihna ah kan chiang kuang tlang tawh. Vai pawl nih pawh kan in zah loh siak tawh a, chuvangin Politics lam a harhtharna lo thlengte pawh hi thil lawmawm kam zel a ni. India ram ngialnghet tak kan neih a tul a. India sorkar chu tu sorkar pawh nisela, a ngielngheh a tul a ni. India hi ram pakhat sorkar pakhat ang a kon awm ve theihna turin. Tichuan tuna sorkar pawh hi leftist te rightist leh centist te ni mahselangan hmun tam takah chuan an principle te surrender a an kal a ngai dawn a ni, chutiang lo chuan an ti khawm thei dawn love, chuvangin a tul ang ang a an principle te pawh surrender ngam tur a an huaisen kan beisein kan duh a chu chuan India ngial ngheh a siam dawn avangin sorkar laipui a ngial ngheh loh chuen ram dinmun a ngial nghet thei lova chuvangin sorkar laipui a ngial ngheh dawn chuan tuna minority Government in a tlawhchhan pahnih te pawh khuan leftist leh rightist in kar hla tak nimahselangan an principle an compromised a an surrender na etangin India ram ngial nghet a sin dawn phewt chuan India Integrity hi maintained a nih dawn phewt chuan chu chu huaisen takin an ti ngam turah kan ring a, kan beisei ber a ni. Tin, chumi zarah chuan keini ram ah pawh ngial nghehna a lo awm ang a, vawiin niah chuan vai pawl, vai pawl inti thin te kha a rukin Delhi ah an kal thla a vai lal Bathlarah tlaktlum inchuhin kan in sul pel zar zar tawh te hi thil hmuh nuam tak a ni. Hetianga hrahtharna lo thlengte hi pathian malsawmna zel a ni. Chuvangin tun a kan sorkar atanga rei lo te ah harhtharna chi hnih Politics lamah leh sakhu na lamah a lo thleng hi pathian kaihruaina a ni, kan tilo thei lova, kan lawm tak tak a, khua lehtui nihna a chian loh hi thildang ah a chiankuam theih lohva, tunah chuan kan chiangkuang ta te hi thil lawmawm tak a ni.

Aw le + chu chu a tlangpui in ke rawn sawi theih nise he Governor Address hi kan hriest theuh engin tlang mite hnam hnufual te tana thil lawmawm tak ani a, India Constitution siamtu founding fathers ten constitution a an lo dah a kha tum engemaw zat sorkar hmasa ten an lo ti thar tawh thin a, chu chu tun January 26 hian a tawp tawh dawn a, chuvangin sorkar thar hian hei hi chhunzawm zel an duh chuan January 26 hma hian Parliament in Amendment Bill hi pass loh theih loh ani a, chuvangin Parliament Session hnu hnung ah khan en passed a, tichuan chu chu State tam ber ten kan lo pawmpui a ngaih avangin keini pawh hmanhmawh takin chawpchilh takin vawiin ni ah hian Session koh a lo ngai a, hemi hi kan pawmpuiing tilang turin, tichuan hemi kan lo pawmpui atang hian Central sorkar in hemi pawh seina hi a kalpui thei chauh dawn a ni. Hemi chungchang thuah lungrua tak a House ah kan sawi ho a member ten lungrua taka kan pawmpui thei kha a lawmawm ka ti a. Chumi chungchang thu ah Governor in thu tha tak min rawn hrilh a. Tin, kum 1990 hi hmasawnna lamah kum dang lam tak anih tur thu leh member te Active involvement avanga chungchu a theih leh zual tur thu a rawn sawi te hi thil sawi awm tek niin ka hria a, tin, chu chu member zawng zawng pawn kan hriat a tihpuitlin kan tum tlan tur niin kan ring a, chumi a tan chuan in zavain ka sawm che u a, tin, he Governor Address hi a motion pulut tu member zahawm tak Pu Lalbiaka'n a rawn putluh ang khan he House hian pawm pui ngei turin ka rawn ngen pui a ni. Ka lawm e.

DEPUTY SPEAKER : Hei motion of thanks Pu P.Lal-biaka rawn put luh kan sawi khawma, kha member tam takin kan sawi a, tha kan ti tlang

a. Hemi hi kan pawm tlang vek thei maw ? pawm thei lo kan awm lo maw ?

Tin, hei thu puan tur a awm a, naktuk dar 1 : 00 hian member zawng zawnge ka roomah in hmuh khawmna nei ila, kan rawt hmasa-ah kha chuan Speaker roomah kan ti a, mahse a tet deuh hlek avangin ka room saw a zau deuh a, kan thlak leh ta a. Chutah chuan Indian Parliamentary Association Zoram State Group din a ngai a, chuta tan chuan Annual member atan Rs 20/- Associate member atan Rs 30/- Life member atan Rs 100/- a ni a, Office bearer chu President-ah a awm ang a, chu chu Speaker Ex-officio President a ni thin a. Vice President pahnih an awm thin a, Leader of the House kha Ex-officio Vice-President a nia, Leader of opposition kha Ex-officio Vice-President a ni bawk a. Tin, Treasurer thlan tur a ni bawk a. Committee member panga an awm ang a, chu chu Executive Committee an ni ang a, thlan tur a ni ang a. Tin, hei bakah hian MLA te interest tam tak kan Minister te ho kim ngei sela a tha a, chung chu electric bill pek chungchangte, tui bill te leh telephone bill te gas chungchanga MLA te treatment chungchang te leh a tul dang apiang te kan ngaihtuah ta ang a. Member kim taka kal tur a ni dar 1 : 00 ah. Chu chu khawngaih takin i ngai pawimawh ang u.

Tin, kan B.A.C-ah khan naktuk programme kan telh a, hei kan zo chu a ni ta mai a. Helaia House member ten kan titawp thei mai lawm ni keimahni thu a ni a.

PU ZOSIAMA PACHUAU : Pu Dy.Speaker, helama kan MNF unau ten No-confidence an moved tak avang khan Bill put luh tur, put luh tak loh tehkhin nan Mizoram 'Forest Act' Bill tihte kha Governor Ordinance khanin, Mizoram Gazette-ah a rawn chhuak a, tun tumah session kan nei a, kha kha engatinge sessionah hian a rawn luh loh ka ti a. Kha kha ordinance bawk a extent leh mai thi kan sorkar hian a duh zawk om ... ? Khalaia kha ka chiang lova. Tin, a tiangpui thuah ordinance a an lo tih hi a next first session-ah tih thin a ni si a. Engatinge hei hi kan sorkarin a tih loh ?

DEPUTY SPEAKER : Ngawi ru ! khalai zawhna kha, l.
khalai ni lo khan kan programme
lai kha i sawi hmasa teh ang,
Khami Bill lut tur kha chuan
naktuk atan hun a theih tawh loh, ni chutizat a ni tur a
ni tih a ni a.

PU ZOSIAMA PACHUAU : Pu Dy. Speaker, Zoram Gazette
ah a rawn chhuak ang. Tun
tumah session kan nei a, kha
kha engatinge session-ah hian
a rawn luh loh, kha kha ordinance bawk a, extend leh mai
hi kan sorkar hian a duh zawk em ni ? tih laia khe ka
chiang lova. Tin, a tlangpui thuah chutiang ordinance-a,
an lo tih hi a next first session-ah bih thin a ni si a,
engatinge hei kan sorkarin a tih loh ?

DEPUTY SPEAKER : Ngawi ru, khalai ni lo khan
kan programme lei chu i sawi
hmasa teh ang, Khami bill tur
kha chuan naktuk atan hun a
theih tawh loh. Ni chutizat a ni tur a ni tih a ni a,
engmah a tih theih tawh chuang lo, anih kan programme
zawng zawng kan zo tawh bawk a, naktuk B.M.C. in kan
siam na a, tunah hian kan ti tawp mai thei em ? a lawmawm
e, hei member ten thahnem ngai takin thu in sawi a, kan
ram siamna tak tak duhin, constructive idea sorkarah thu-
rawn in pe a, a lawmawm tak tak a, in beihna emaw in chirh-
thehna reng reng a awm lo. Hetiang anga helai r•reltu
MLA te kalkhawm ina ro han rel hi a lawmawm a, member te
a bik takin opposition memberte chungah lawmthu ka sawi
duh a, sorkar kal dan tur leh tha a in hriat dan tha lova
in hriat dan advise huaisen tak leh ding taka in pe hi a
lawmawm ka ti a, Tin, Minister te pawhin kha kha rilru-a
vawnga kan ram siam that nan kan thawk tlang vek a ni.
Kan in boycott mai mai tawh lo tih hriat tlan thain ka
hria a, tunah hian kan hnam kan ram tana tangtiang zel
tih in hriat hian a lawmawmin ka hria a. Awle, session
leh koh leh hma chu kan chawl thei tawh ang.